



黔續

游黔

記書





成集書叢

編初

著 編 主
五 雲 王

行發館書印務商



書 齡 續



3 0646 4770 8

撰 巖 張

本館據粵雅堂叢
書本排印初編各
叢書僅有此本

續黔書自敘

武威張 澍纂

辛卯之四月。余既改外職。七月。簪得黔之玉屏。客有過予寓者。輒問曰。黔之天則蠻煙。隄雨。黔之地則鳥道。蠶叢。其人則紅獐紫蓋。其俗則鷓鴣張鼠伏。宦斯土者。遑遑鄙夷之。願旦夕即去。若陋不可居者。今子何眎之。易而樂往焉。予曰。予誠不知人之何以裹足於黔。而予之眎黔。則猶齊州也。昔者莊躡盜兵。唐蒙略地。而道通漏臥。臣屬斯榆。迨夜郎僭王。牂柯置守。馬忠典郡。東謝請朝。雖屬羈縻。亦奉征調。二路十二都。李唐乃有貴州之稱。八番十八衛。明世而有專藩之設。泉入聖朝。易椎髻而冠裳之。刊枿芴而郡縣之。劉叩籠而守圉之。百餘年來。蓋浸浸乎濟美華風矣。且其鑠錫兜鍪。可圖王會也。蘆笙箏箏。可入國風也。木瓜金筑。沿革可稽也。鼈磯龍洞。幽勝可探也。白水碧雲。奇情可詠也。諸葛禡牙之地。李恢鏖戰之方。尹珍讀書之宅。山圖尋藥之厓。可題襟而散煩胸也。豈僅睠懷遷謫之李白。客曰。我之所慮者。以其地苗獠叢聚。婁劓左言。不知文字。悍盭好殺。攻劫畔亂。不可以中國之治治也。而子又年少。吾是以云。余笑曰。子奇之爲阿邑。令子其知之矣。虞詡之爲朝歌。宰我其試之矣。夫犴狔狎獠之屬。亦人耳。昔也聞干羽而格。今則恃爪牙爲難。吾未之能諶也。儻使撫綏有方。恩威兼濟。則可以致其死力。而又奚患之生善乎。馬平主簿孔性善之言曰。谿洞蠻獠。雖常梗化。亂豈無因。昔陳景文爲令。獠獠皆應差徭。厥後撫字乖方。始乃反

3184

續黔書 自敘

側。誠使守令得人。示以恩信。諭以旣福。亦當革心。而田禾叔亦云。邊方之官。非有爲不足弋亂。非有守不足服人。非久任不能諳土俗。是誠治夷之寶鑒也。予不敏。翹翹孟晉之矣。客喜而退。知予非徒言之也。今采掇方俗。爲黔中紀聞。以田叢綸先生著黔書。改曰續黔書。次其言爲敘。以正鴻筆麗藻之君子。嘉慶九年六月十五日。

續黔書目錄

卷一

星野

地界

捍水議

苗警

驛站

夫馬

治盜

毒蠱

假銀

誣盟

茂學篇

修文昌宮記

續黔書 目錄

卷二

祭三閭大夫文

竹王

莊濠

馬王辯

黑神

北陰神

柴沖大王

李白至夜郎辯

懷白亭

王昌齡墓

謁王陽明先生祠記

十八先生墓

盤瓠

紫姑

卷三

黔中

夜郎

龍標

廢牂柯郡

牂柯江

羅甸

八番

銅仁

苟扇洞

豚水

卷四

萬卷書巖

游紫氣山記

游東山記

續黔書 目錄

重游東山記

飛鳳山

游白雲山記

梵淨山

游飛雲巖記

游黔靈山記

游牟珠洞記

鮎魚洞

諸葛洞

響琴峽

相見坡

聖泉

卷五

多雨

歧舌

醫方刻石

石刻

俗字

川字

釐字

生六男

化虎

呪尸爲魚

石棺

人疴

風鬼

鐘鬪

馬化石

雷擊六人

卷六

官 鑄

鹽

茶

女 酒

革 器

洞 錦

鐵 笛 布

金 星 硯

神 黃 豆

鮮 簪

燕 麥

羊 肚 菌

降 真 香

卷 七

梓 柑

粗

印竹

重臺蓮

蘭

長壽草

朱草

海棠

蠟樹

卷八

孝獸

豪蕨

水馬

小羊

箐雞

人首魚

續野書

目錄

檳榔書目錄

鱸魚

小蟹

圓蛇

哪哪

九香蟲

續黔書卷之一

星野

武威張

澍



漢武帝設益州。領越嶲、犍爲、牂柯三郡。今越嶲、犍爲屬蜀。牂柯所隸二十四邑。貴陽以上皆其地也。陳卓謂牂柯入參五度。而班固謂東井與鬼秦之分野。西南牂柯越嶲二州皆宜屬焉。常璩華陽國志云。牂柯上當天井。則自平越以上。其爲參井無疑。沈思克獨以鎮遠、銅仁、思州、黎平爲柳星之餘。夫全楚之分。沅、湘、長沙、武陵、桂陽、零陵。以及白帝、房陵、南郡、江夏皆屬翼軫。黔實近楚。則思州、思南、銅仁、鎮遠、石阡、黎平六府當爲翼軫之餘。非注張也。

地界

玉屏舊屬楚衛。田止軍屯。自國朝雍正五年。裁衛設縣。始隸黔。劃麻沅兩屯歸楚。僅存一平屯。分爲兩甲。一甲二十戶。二甲十三戶。共三十三戶。亦甚畸零矣。而田疇或隸於楚之芷江。或隸於銅仁。或隸於清谿。或隸於思州。毋亦非分置畫井之道乎。然予稽察輿圖。不獨玉屏也。黔之州縣皆然。有所屬鄉邨。去治三四百里者。有城門之外卽爲鄰屬者。有此州之地。併入他縣。他縣之地。併入此州者。又有管轄之地。中多隔越。或距境一二百里。或隔三四州縣。而地丁名糧亦隸於他縣者。又有衛所之屯。與民地相連。浸久而

迷其版籍。遇有審訊案件。提拘不至。則曰。我某縣籍也。及於某縣有犯。則又曰。我某縣籍也。盜賊之越貨禦人。有司者捕之。輒歛忽往來。莫可蹤跡。適足以藪奸誨逋。雖有保甲。不能行也。甚則越佃占水。訟牒不已。至於爭鬪殺傷事變。胡可勝言。周禮形方氏掌制邦國之地域。而正其封域。無有華離之地。誠使畱心國計之大吏。繪圖入告。爲之改其幅員。均其大小。正其錯互。清其軍民。吾知地邑民居。必參相得。有司亦獲以盡其撫綏之方。則訟獄息而風俗淳矣。昔子與氏告戰國之君。猶以爲經界不正。則土地不均。穀祿不平。然則正經界固仁政之首務哉。

附舟抵玉屏境詩

書巖環芷水。風景最雙清。樹杪交帆影。山中答櫓聲。蘇塗石寺小。井幹竹樓輕。江上乘舟客。回頭眎使旌。

捍水議

玉屏雖蕞爾邑。爲黔門戶。扼楚咽喉。形勢據其衝要。而城濱大江。每多水患。勝國天順二年。隆慶三年。天啓元年。屢被潰決。入國朝。康熙二十七年。五十九年。泉乾隆元年。二十一年。四十四年。並遭洪流。民居蕩析。近者值雨澤浸多。水輒至康衢。余承乏之三月。陰霖日久。濼江暴漲。驚濤潰薄。水不入闕者僅尺許。心甚憂之。蓋江流自清浪入熊谿。城西有獅子峯。雄踞江口。水無所泄。其怒。北有鎮平。玉屏兩山作障。則水不得不折而東。而城當其衝。下流則書巖蓮峯。隔江夾峙。碕岸旣狹。疏瀉未易。勢亦逾奮迅。倘山潦衝溢。則水必不能毆山以行。而與城爲難矣。是吾無止水之防。而非水自潰其防也。吾無容水之地。而非水據

吾之地也。移城以避之，則費巨。費巨則庸愚駭。委城以與之，則殃民。殃民則蒼旻怒。且如國家設有司之，謂何暇日步郊垌，相地勢，思有以捍之。議自北門至館驛，取江中巨石，砌之爲塘，高一丈，仍於土石堆積之處，掘之以壯江身。俾廊而有容，用工不過百人，爲期不過一月，則居民可免淪胥之患。陽侯不得憑汎濫之威矣。會余調署遵義，不果行，姑存其議，以俟後之克舉者。

附鎮平山詩

蘭若背江開，題襟避暑來。羣峯青鞵鞋，一水綠莓苔。慈竹綵裳帶，蒼花落酒杯。坐深雲卷齒，長念咒龍才。

苗警

楚南鎮筸，與黔之銅仁接壤。箐深地阻，蠡苗叢聚，性獷悍甚，攻鬪劫殺，無日無之。每扇煽銅苗，輒與之犄角。壬戌年，殺不登，越貨於路，塗之人咸裹足焉。屆歲莫，鳩合魏類，刑牲壯穆廟，號其魁爲大王。期以正月十六日犯銅仁，玉屏與銅密邇，汛兵五十，前撥三十，駐正大營，存者僅二十耳。城垣傾積，無巖置足守。邑之人讐於竹山之役。嘉慶二年事咸覩覩焉驚。余謂屏邑雖小，苗不足憂也。龍塘當邛水之衝，界牌扼鬼廬之要地，險旣得，防守斯宜。城北六十里之蠟巖，苟選鄉兵數百，占護山梁，則銅仁施谿六洞水銀等山之苗不能至。城南六十里之壩坪，苟選鄉兵數百，碁布澗谷，則南路革谿、天塘之苗，西路新谿、南洞之苗，至則授命。北有平江、鴻波、滿盪，不可以厲。檄漁人而藏其舟楫，苗豈能飛渡耶。余旣以解父老之惶惑，方欲召募壯勇，部署糗糧，執挺以爲袂徒先，會鳳凰廳傅司馬率健兒至，誘其渠擒之，餘各鳥獸散矣。聞違者荆

蠻之叛。黃瓜寨掘地得古碑。有火龍飛入黔南地。二月興工八月休之讖。既而狃苗起興義。延蔓數郡縣。掘壙屠脛。民受洪荼。合楚師剿之乃定。歲月悉符。茲幸天奪醜魄。虺毒未斂。吾亦固吾圉耳。藉使木札羣飛。布巾爭舞。銅之苗觀。豈森起而清江台拱之九股。復響應之上覆飛鳥。下不見伏兔。勢必燎原。誰其捧海。當事有李化龍郭子章諸公。庶可以釋冰引變。臥鼓安邊。以紓九重宵旰之慮哉。

驛站

黔之地。跼步皆山。上則層霄。下則九淵。其驛站之苦。有萬倍於他省者。如貴陽之東至湖廣。玉屏以至清谿。五十餘里。中有橋頭坡。三家橋坡。清谿至鎮遠九十餘里。中有蕉谿坡。梅谿坡。白羊坡。鎮遠至偏橋五十餘里。中有沿沙坡。乾谿坡。谷定坡。施乘至清平九十餘里。中有鬼門關坡。黃猴坡。小觀音坡。大觀音坡。落蹬坡。中隔一重安江。清平至平越八十餘里。中有臘梅坡。三十三坎坡。楊老坡。羊腸坡。三郎坡。葛橋坡。平越至新添驛一百餘里。中有五聖關坡。倒馬坡。虎場營坡。卯陽坡。黃絲坡。裸羅坡。打杵坡。望城坡。又如貴陽之西至雲南。查城驛以至安南驛一百餘里。中有梅子坡。黃土坡。北極觀坡。盤江河。盤江坡。保甸坡。哈馬坡。安南至新興站九十餘里。中有馬跑泉坡。鳥鳴坡。腊茄坡。江西坡。泥納坡。新興至普安驛八十餘里。中有望城坡。羅漢坡。爛橋坡。鸚哥坡。軟橋坡。舊普安坡。鉉壇坡。倒馬坡。或石豎狼牙。或峯成劍鏢。或立壁如削。或抽筋如墮。又或盤旋屈曲。鳥道羊腸。又或嵌崿巖巖。魚鳧蠶叢。太行孟門。匹茲匪險。嶠關隴坻。對此則夷。見者駭魄。聞之忧心。然皆顯著奇坂。而佗峻嶺不計也。今雖於重安。楊老。新安。各設腰站。以紓

下游馬力於毛口楊松列當各設腰站以紓上游馬力又將上游舊設之盤江江西坡二驛裁去以關嶺查城尾灑新安軟橋湘滿六驛改設於新路之坡貢郎岱列當罐子窰楊松劉官屯又裁下游黃絲一驛移平越驛於西陽塘而亦非坦途馬之報勞傷斃死者殆無虛日矣蓋每驛額馬僅五十四夫僅一百名每馬日支稻穀僅五倉升草一束每夫日支米僅一倉升銀一分五釐是以馬不能飽秣則無以致遠人不能果腹則無以應役又況古人驛馬三十里一置驛多則行速而馬不斃後人持節費之說歷次裁併多有七八十里而一驛者馬倒役逃又何怪乎

夫馬

玉屏爲入黔門戶東至湖廣沅州界十里西至思州鎮遠清谿驛雜界二十五里南至湖南沅州界三里北至思州府界二十里東西廣三十五里南北廣三十三里蓋域崎零田疇低離彈丸黑子不得與於菑莒之末而差務星繁兼滇黔兩省郵站夫馬俱有司應付並無幫貼攤派且民人膾貧畜牧甚尠一遇大差有馬之家遑遑居奇每站索價至一兩餘且不能敷片又募僱於湖廣之谿洞而差役路資馬僮口食咸於官乎取給是一馬用銀至一兩四五錢也兼之戶口寥落散處山陬附近城市夫役無多不得不招之遠方或離城七八十里或百餘里皆奔命應募雖官爲給價亦僅依扛擡一日之程其餘違反守候則皆失時廢事不獲價值之日也有司稍存人心差使卽稠不過苦自賠累而無良之徒且借此以獵民既腹其脂膏復疲其筋骨良可吁也

附輿夫謠

山劍鏗石狼牙冬暉短。郵路賒兩髀腫向前爬。口無食身無衣。豈樂此忘剝膚。破茅屋。藿也無。菜而孃。鳩形婦。三歲兒。嗷嗷口一思之心。擣臼雪載塗。風吼地嶺逾高。防顛墜。寒皸瘵。那敢淚。肩苦穿。足苦輭。大山坡。兇嶽嶽。多虎跡。懼不免。晚回歸。得百錢。買米煮。溼薪煙。復未果。倦伏眠。縣差來。勢破壁。夢模糊。驚怯魄。出符票。拴至驛。

治盜

黔之地。縣峯林立。虧日抉雲。怪石堪當。曝鼈寢虎。散無統紀。如仇相避。又山枯水賸。剛柔數舛。遂隊東馳。環繞不定。生理窘蹙。而衣食以禦人儻。亦形勢使然。雖有猛吏。銳意追捕。迺至不勝。犯不勝誅。何也。聚則捫弓注矢。探丸飛墮。散則牧犢飲羊。摩厲迎貓。皆吾民也。又或郊關之外。毒箐幽崖。我不得而至焉。囊篋腰纏。委之而去。僅以身免。歷險衝危。踉蹌呼籲。於有司。弁役疾馳而至。則蹤景消滅。是故始於剝商。漸則官被劫奪。始於擺貨。近則人茹金刃。何可忍言。鹽鐵論曰。水有獮狃池魚勞。國有蠹圉齊民消。如之何其聽之也。遵義幅員遼闊。統轄十三里。每里十六甲。烟火輻輳。地勢險阻。其民桀驁詭譎。染楊酋之餘習。而里甲多巨猾。值趁虛日。輒聯外來。競客標掠錢貨。以爲常。余代庖之日。吏民初以余之少也。而易之。然積聞其在玉屏聲。觀望不敢動。然予之治盜。以虛不以實。每見同寮有獲盜者。輒毀折支體。飲以鹽滷。矐其目。竊傷其酷。而卒莫之能戢者。賊以爲法盡於是。吏亦以爲法盡於是。役亦以爲法盡於是。且議其忍也。

而不肯捕盜。因是益熾。余則不然。受事日。召集里甲。訊其素鷓。義者斥之。選立愿懲。嚴諭之。以杜絕飲博。謹守堡寨。其容留匪類者。辜無赦。其有警而不協力禽者。辜無赦。其有被盜而匿不報者。辜無赦。惟里甲倍償。而又於郵鎮關津。通衢僻路。布令以威刑懼之。於是乃不用捕而用儻。非不用捕也。蓋捕則疏。儻則密。捕則真盜或走匿。而役以局外者當之。巨盜或遠颺。而役以鼠竊者塞之。儻則囊橐何氏鳩聚何所。肆劫何地。黨羽何人。起發何期。過抵何許。灼然在吾之心目。而又虞儻役之給我也。復擇役之誠諳者。親之耳目。既廣。聲色不聞。彼宵小者。以爲吾之疏之也。乃稍稍露跡。而儻之者旋至。迅發役捕之。罔不獲。其聚集多人者。親率役捕之。罔不獲。值趁墟之期。微服遑察之。伏壯士於側。近有肆敘者。卽禽之。罔不獲。役有不用命及賄脫賊者。痛懲之。責令倍償。其失恭命則重賞之。其渠賊吳賴頭。賽曹操。把地王等。以次就禽。無良之徒。乃恫駭儻。疑余之日出而網羅之。四張也。乃大沮散。遁於桐梓。正安。綏陽等處。後遇桐梓令衛君天民。問曰。子其以鄰國爲壑乎。余曰。子甘爲逋逃藪乎。衛未有以應也。

毒蠱

周禮土訓。掌道地圖。以詔地事。道地。匿以辯地物。鄭康成曰。地。匿。若瘴蠱。賈公彥曰。瘴。卽瘴氣。蠱。卽蠱毒。人所爲也。是古昔隆時。卽有假此以惑人者。故設庶氏掌除蠱毒。以攻說禳之。嘉草攻之。禮注。賊律曰。敢蠱人及教令者。棄市。先王鴻術經世。設科防姦如此。但其所謂嘉草者。今不可得而知矣。宗憬曰。周禮庶氏以嘉草除蠱毒。卽藜荷也。神農經亦云。白藜荷可治蠱。王逸大招注曰。苴蓐。一名藜荷。史記相如游獵。

賦注闕。闕云。傅且蕘荷。與叔師注同。傅且。漢書作巴且。文穎曰。芭蕉也。明邱瓊山集羣方鈔。不知蕘荷為何物。楊用修引急就章注云。白蕘荷。即今甘露。蓋誤以芭蕉為蕘荷也。司馬賦既有諸蔗。傅且。又有此蕘蕘荷。傅且非蕘荷章矣。古今注。蕘荷似藟。莖而白。藟莖色紫。花生根中。花未散時可食。久置則銷爛。不為實矣。葉似薑。宜陰翳地種之。常依陰而生。潘岳閒居賦所云。蕘荷依陰是也。夫蠱之於人毒矣。中之者嚼豆不腥。含礬不苦。則腸絞嘔吐。救稍遲則僵。而金蠶為最。昏夜飛飲水次。光如曳杼。鮑明遠詩所謂吹蠱痛行暉也。案干寶搜神記云。蔣士先中蠱。一作蔣士有備。其家密以蕘荷置席上。忽大笑曰。蠱我者某也。乃張小二也。自是解蠱藥多用之。故葛洪方云。人欲得蠱姓名者。取蕘荷葉著病人臥席下。立呼蠱主名也。而草木狀云。吉利草。其莖如金釵股。形類芍藥。交廣俗多畜蠱毒。惟此草解之極驗。吳黃武中江夏李侯以罪徙合浦。始入境。遇毒。其奴吉利者得是草。俟服之。遂解。吉利即遁去。侯因此濟人。遂以為名。此草想即蕘荷。特因人名異稱耳。夫九尾之狐。谿邊之皮。螯蝨之鱗魚。帝臺之五色石。游戲之三足鼈。皆能已蠱。然其物如龍肝鳳髓。渺不可得。今則磨鉛汁飲之。即立愈。無俟問藝法於柳州矣。物類卅感志。黔南桂州出錫。蛇組如大指甲。有金銀星。解蠱毒。西溪叢話云。煎石榴根皮汁飲之。即吐出愈。又云。以白礬牙茶搗末。冷水飲之。

假銀

銀有十七種。美者有黃銀。出蜀中。其天生牙狀如亂絲。生銀狀如硬錫母。砂銀色理赤光。黑鉛銀得子母之氣。咸真銀也。其假者有水銀。銀草。曾青。石綠。雄黃。雌黃。膽礬。靈草。丹陽。銅鐵。白錫。諸名。皆以藥製成者。

黔市通用銀名垂絲。甚潮低。而江西流民巧詐滋甚。日造僞者。非惟給鄉愚。且用以欺官長。所謂爲盜不操矛戟者也。有得者以視余。瑩白精好。翦之則鉛。實僅面皮爲銀。然薄如蟬翼。真鬼工也。以較慕容超之鐵胎。奚翅過之。案漢孝景時律。造僞黃金與私鑄錢者同棄市。唐文宗太和三年。依中書門下奏。以鉛錫錢交易者。過十貫以上。所在集衆決殺。今假銀之罪。不下於僞黃金。而重於以鉛錫錢交易。宜比前代之法。置之重典。庶可以革奸而返樸也。

詛盟

宋遵義軍圖經云。民信巫鬼。好詛盟。嗟乎。此不獨遵義也。黔之民類然。做夏磨嵯。靈談鬼笑。耆老引經。投石結草。偶然魚置。便祀鮑君。無意李裁。競傳愈日。其起於鴟義矯虔之有苗。而至今習跛弊乎。或者曰。小民有情而不得申。有冤而不見理。於是不得不愬之於神。而鬼神之往來於人間者。亦或著其靈爽。視聽所接。賞罰爲昭。蚩蚩之氓。其畏王鉞也。常不如其畏鬼責。而君子猶有取焉者。謂可以輔王政之窮也。昔蘇公罹暴辛之讒。則出三物以詛爾斯。屈平遭椒蘭之嫉。則告五帝以折中命。咎繇而聽直。何況於里巷之人乎。余曰。惠吉逆凶。福善旣淫。經有明訓矣。若近日所傳地獄之說。感應之書。則佛氏因果之旨也。聖王御世。納民軌物。克迪棗常。彝倫攸敘。範其衷志。敬之遠之。莫不灼然於鬼神之故。而其鬼亦遂不神。是卽所謂神道設教也。而豈聽命之云哉。

茂學篇

余攝篆廣順州之日。暇則進諸生校論文藝。率皆條流紛糅。訓辭樸儻。由其采掇陳言。罔知晉學也。乃做古人讚學勸學厲學之文。爲茂學篇以詔之。

余聞之。葛洪曰。學者所以清激性理。飾染質素也。徐幹曰。學者。心之白日也。王符曰。學進於振而廢於窮。顏之推曰。不學者。遇議論得失。蒙然如坐雲霧。劉晝曰。人不學。則才智腐於心胸。由數賢之言。味之。學烏可已哉。今夫蒸粟之溫也。不琢之不耀夜。墨陽之勁也。不淬之不刺犀。故欲超萬里於瞬息。必假遺風之棄。欲凌溟漲以泳游。必泛艤之蟹。是以蠶之不繅。則素絲蝨矣。目之不茶。則吳篔壞矣。海蚌不剖。則靈珠隱矣。崑竹不斷。則元音闕矣。故曰。爲山者。基於一簣之土。以成千仞之階。蓬井者。起於三寸之坎。以就萬重之深也。而願集詬無志。皆窳無情。羈神於世務。蠶午於微細。不勤焮掌之勞。甘受盲心之詆。未省牛毛之功。頻召蟬雪之喻。何異狄山之視肉。蹠滯之委蛇乎。且所謂學者。豈弟泥訓。詰摘章句。埒女史之誦詩。內豎之傳令已哉。走蟻覆笠。天胡爲而倚杵。斷鼈步亥。地胡爲而息壤。日月何以有朧。山川何以有肺目。鬼神何以有形聲。制氏之樂。何以僅記其鏗鏘。叔孫之禮。何以祇通於縣絕。非可概例諸六合之外矣。太昊稽象。畧以畫卦。燧人因鵲啄。以鑽火。有熊聞鳳鳴。而調律。侯剛觀鳥跡。而作書。邑夷法斗。旋而作格。芒氏效菴絲。而造網。是皆大聖人之學乎。神明而發乎物類也。不此之循。而齋宇鬼理之是急。譏隸傷。罇之爲安。以天理爲粉澤。禮灑爲橘櫛。仁義爲桎梏。詩書爲糟魄。必且爭奇弔詭。負剋回冗。華誣脅衆。分徒疑聖。嚮言墜乎典謨。誕思飛乎邪室。妙門爭谷之譚。畫瓶箴喻之旨。競扇風規。徒事藻翰。勞思慮而不。

知道。費景晷而無成功。是瓊瓠瑤釜。無爨炊之用。鏐弓鈸絃。無支屈之能。故曰不聞九乳之音者。不知絲竹之滔飭。不服六章之麗者。不知毳贗之縣蓑也。夫文公多藝也。而朝讀百篇。尼父履度也。而鐵鏹三折。翟烏周歷。書載盈車。句踐憂勞。晦誦竟旦。董謁方外。掌摹籀寫。儀秦游說。股畫裳題。兒寬帶經。以耜耨路。生截蒲以緝編。黃霸下廷尉以受業。邠卿處複壁以劭功。朱穆墜岸。不知馬之幾足。文黨入叢。先試斧之挂樹。用能洞精道奧。窮測微言。且太公望年七十而始學讀。卓爲王佐。曾子七十乃學。名聞天下。苟況五十游學。蔚爲老師。公孫宏四十餘方讀春秋。朱雲四十始學易論語。皇甫謐二十始授孝經論語。終成魁儒。魏舒四十自課。對策升第。爲世所仰。或乃不希炳燭之明。甘蹈夜行。不翼桑榆之效。悵望東隅。則恐不愈而智不賡。世將厭厭之矣。是以六藝備則卑鄙化爲君子。衆譽集則孤陋逸於貴游。故曰視姑櫟之枝。足以知其本之修巨也。覽汪濊之波。足以覺其源之淵邃也。雞之知將旦也。鶴之知夜半也。連日作日者非之知晏也。猥豹之知雨也。鼈巢知風之所起。獺穴知水之高下。騰蛇無翼而翔空。蜻羌無鼻而聞香。豎蠶無口而揚聲。水母無頭目而率魚鰕。帝江無面目而識音樂。皆物之知也。物知之而人不知。則蠶珥絲而商弦絕。賁星墜而渤海決。銅山崩而洛鐘應。峽山陔而薄落竭。麒麟鬪而日月蝕。鯨魚死而彗星出。問之有罕漫者矣。其何能詳威斗而釋藻兼。注紫橐而答楮酒哉。昔敬仲闕俞兒。新公知滄狸。曼倩喻畢方。廣川識重常。中壘通貳負。劉杳審仲師。元遜曉侯囊。壯武嘆海鳧。方古洞章武之劍。陸澄明服匿之器。崔隲析羊腸之坂。敬宗核顛頊之虛。趙逸證太康之寺。子野考滑題之邦。張善測金龜之飛。僧儒悉石針之用。江

淹推科斗於周宣。斯徵解罇于於干寶。束之引影娥於洞冥。貽孫實婦跪於渤海。鄭欽悟山銘於卅里。竇儀對乾德於四年。董養歎蒼鷺于狄泉。隱侯定罽孟于東夷。以及辨鯪鯉之獸形。聆角觸之人語。數白馬之祠祭。驗黃蛇之阿婆。鑿肅伏之尺寸。診玉神之隱見。讀龍門之鳥篆。解苗次之豐碑。何異之。有學而已矣。卽桂露飲能言之龜。女乳灌疏屬之尸。老桑潰元緒之筋。古木烹賈誦之味。菖蒲塞風生之鼻。鐘鼓致商羊之鳴。若酒漬白魚之鮓。肝臟節虬蟲之毒。燒石投獾獠之舌。烏梅煮橫公之鱗。事無前聞。情疑浮誕。然精驗潛効。有同饗答。亦由沈研鳥冊。鑽習龍經。故能濬情源於秀逸。發思業之高奇也。人無論智愚。儻搏心揖志。磨礪就業。則精神曉冷。鈍聞條達。猥俗不足以摸蘇。浮名不足以營慧。咸能洞知能之囊橐。極文雅之英雄矣。夫雷震之聲。可寫以鐘鼓。風雲之變。可通以律管。而謂聖心賢臆。著在往錄。抱風合効。詎難黨朗乎。故曰。咎繇雖暗。而與辯者同功。子野雖瞽。而與離朱齊明也。可不學哉。可不學哉。

修文昌宮記

今上卽位之四年。九塗榮鏡。六幕同文。猶復崇儒重道。加意菁莪。爰允儒臣之請。於畿甸首善之區。建宮以祀文昌。仍沛綸音。飭十三省大吏。董率所屬。於府州縣各建宮虔祀。並頒祝告之詞。用妥神靈。凡以誕敷文德。樂育子衿。潛化頑悍。躋治淳熙之至意也。歲壬戌。余履玉屏任。視事後。簿書稍暇。巡覽郊坰。見屏山東有文昌閣。敗瓦飄零。殘椽傾圮。將委諸蔓草荒烟。慨然興歎。思有以新之。以培風脈。而地衝差繁。供張竭蹶。力弗能敷。適邑紳士咸欲捐資重建。且謀卜地城內。以便歲時用享。原任綏陽鄭廣文。洪孝廉。並

文學諸君。造余以碑記請。且謂余之不鄙夷其地而樂與敷衽講藝也。鬻序子弟莫不爭先淬礪。思執衿道德之囿。案鬱文雅之場。倘更得昌言以啓其牖。不獨親炙之不安。咫聞。漸有以規於遠大。卽後來者聞風興起。順就甄陶。不至循規改錯。亦所以成埏埴之志也。余曰。然。乃進諸君而諗之曰。凡人之學。學爲忠孝而已。忠孝根於性生。而亦本於經術。黔雖介在荒服。文采風流。遠遜函夏。然漢時盛覽。字長通。牂柯名士。與司馬相如爲友。作合組歌。列錦賦。知賦家之心。毋斂尹珍。字道真。自以生於遐裔。未踐庠序。乃從汝南許慎。受五經。師應奉。學圖緯。通三才。還鄉教授。南域由是知學。孝桓時尹氏以經術選用。歷尙書丞郎。荊州刺史。而應奉爲司隸校尉。師生並顯。平夷傅寶。夜郎尹貢。亦有明德。歷尙書郎。長安令。巴郡太守。彭城相。號南州人士。明代如馬氏心菴。陳氏五粟。研鑽理窟。克紹關洛之傳。而清平孫文恭。思南李少參。篤學超詣。鴻文經世。爲時所宗。夫以獐狃之中。卓然崛起。功業文章。流芳汗簡。而微言懿旨。復有以啓後人之靈府。豈非聖賢非異人任而學之可幾哉。至於精禋邀福。謂可以登桂籍而膺仕版。非余之所期望也。衆曰。然。工竣。遂詮此言以記之。

續黔書卷之二

三閔大夫

玉屏北門外水月菴。有祠祀楚屈大夫。土人傳其國初兵燹時見形。水裔賊爲辟易。故祀之。案涉江篇有曰。乘舸船。余上沅兮。齊吳榜以擊汰。又曰。朝發枉渚兮。夕宿辰陽。玉屏古爲沅辰地。諒當日者。值何湫浦。淹水容與。采芷沅江。卽大夫所謂僻遠何傷也。予於壬戌夏雨霽來游。刪芟砌草。進謁遺像。乃爲文以弔之。其詞曰。痛九天之夢夢兮。聽皇輿之敗績。蓀又不管。夫忠睿兮。放江潭而疏邊。羌不能。何短逐時兮。衆女謠詠以貢色。鯀殛死于羽山兮。雖女嬃猶忌其婞直。幼清安肯。湟淄兮。豈靈氛筮箒之能占。時幽昧而捷徑兮。董吾道其何嫌。漁父旣莫我知兮。又誰能與黨人爲緣。瀕于危而不顧兮。終湛淪乎汨羅之淵。鸞皇折厥翼。翻兮。讓鴛鴦之追隨。躡驂驪於艱阻兮。驢羸騰驥以騶馳。神龍困于泥淖兮。亡慶雲之被覆。枳棘榛榛而梗塞兮。不得舉若衡而餐秋菊。嚴霜忽賈。季夏兮。芳苓喪華而彫天。扶桑鬱其危嶽兮。誰總轡以消搖。睇高些而無女兮。求慮妃之所在。陽侯乘以素波兮。彭咸賸以飛鯀。竟不能遠游延齡兮。公傳說而騎箕尾。嗟正則竟溘亡兮。畱溢豔之嘉藻。何儒梟虧我高明兮。謂揚才以競羣小。詎識風諫之優游兮。引靈修於當道。睠顧舊鄉以歎歎兮。不忍三戶之煙空。並世旣遭。夫椒蘭兮。今又何嘗乎過忠。繫余企仰練要兮。覽遺則焉隕涕。欲唱小海之曲兮。久夷舞于波際。寤堯舜之超軼兮。以耿介爲天姿。何末俗競昌

披兮反離騷而摘詞。斥鷃罔測雲鵬兮。鳩槍榆而笑之。我薦椒糈兮。哀日月志佩芳。棄穢兮。導吾先路。中道不改此度兮。冠切雲之岌岌。行砥矢而言丹青兮。嚴界絕夫非義。儻世蔽美而好朋兮。吾將高駝而遐寄。

附謁三閭大夫祠詩

幼愛離騷。深悲正則忠。芳情荃不寤。蟬翼筮何從。壯志彭咸託。讒言鄭襄工。翻來女嬃豈。誰輔大王雄。畫壁天驚雨。幽篁鬼嘯風。懷沙遂捐節。屬草竟無功。故國東門夢。長江稷米筒。失圖在黃棘。黃棘地名。樹約於黃棘。悲同風篇所謂施黃棘之枉策是也。朱子解為黃歷棘刺誤矣。遺恨滿青楓。沉芷遠遊地。雲冠奇服空。魂兮郢都戀。歸些巫陽逢。三戶蕪城沒。千年典祀豐。蕭瞻蕉萃像。白日鏤琳宮。

附水月菴詩

香阜何年拓。空門面大江。濤聲撼佛座。花雨落禪窗。鼈碣苔文繡。璇題雁字雙。芻尼翔鶴樹。甘露綴雞腔。梵唄林中磬。潮音水外缸。青霞鬱寶塔。碧穗漾金釭。坐久烹團鳳。心清聞吠彪。天風吹我幘。延佇望蘭纒。菴外即平江橋。帆往來不絕。

竹王

夜郎竹王事。班氏南夷傳。詳言之。今楊老黃絲驛。皆有竹二郎竹三郎祠。土人禱祀維謹。田山蓋著論。以為與盤瓠蠶叢杜魄荆尸。悉為謬悠。蒙竊以為不然。夫祕電繞斗於符寶。長虹曳采于華胥。東過吞玉篋。

之燕。姜嫄履巨人之跡。載在選籍。難云誣矣。卽徐偃破卵於鶴倉。括地志。鶴倉一名后倉。朱蒙感精於河伯。羅林之子。紹統檀君。朱耶之先。載育枯樹。著有前聞。皆可證驗。至若齊頃無野之誕。貍乳羊嫗。棗離東明之生。豕喚馬噓。烏孫王昆莫之擲。飛鳥銜肉以哺之。世羅優比北之降。鶴胎鬪墜以出之。凡此瑰異。豈鄉壁虛造哉。或曰。子之說信辯矣。水經注云。所捐破竹。於埜成林。又云。王嘗從人止大石上。命作羹。從者白無水。王目劍擊石。石卽出水。無乃奇誕弗實乎。予曰。六合之內。其苞遠矣。幽致沖妙。難本目情。萬像遐淵。思絕根尋。昔夸父棄策。蔚爲鄧林。蚩尤委械。叢爲楓樹。翠子之經。可案已。彼貳師征敵。嶺出飛泉。姜詩養親。室涌江水。精誠所結。天但靈驅。又況范文之鯉。刀斫鄆。廩君之士舟浮流。沙壺後漢書作沙壹。之龍語。元隆。句麗之鼈。橋獲濟。悉是舊聞。難比影說。知乎此。則啓生疊石。摯瓠空桑。事同日習。言非空誣。又何疑於竹王之不自竹生哉。路史注。竹姓出於墨台。東莞竹氏。後漢權陽侯竹晏。後報怨不改姓。加二目存夷齊。而遷於莒。侍中竺曾。其孫也。夜郎竹初宜。本此。其說無據。

莊豪

史記云。楚威王遣將莊躡從沅水伐夜郎。滅之。遂至滇池。後漢書作楚頃王遣將莊豪。二說違異。案楚威王于周顯王三十年立。至四十年薨。在位十年。至赧王三十五年。秦始取漢巫黔中地。中歷顯王之八年。慎觀王之五年。相距四十八年也。如爲威王時事。則躡在滇已五十餘年矣。何目稽久不歸。攷頃襄王之立也。在赧王十六年。距秦取地十九年。躡之奉使至滇。值楚道不通。當在此時矣。商子弱民篇。荀子議兵篇。韓詩外傳。史記禮書。並有莊躡起而楚分之語。皆不言在何時。韓非喻老篇。載楚莊王欲伐越。杜子說

曰莊躄為盜於境內。目為在莊王時。呂氏春秋介立篇。莊躄疾郢。高誘注。目為楚成王時。則又在菴。皆非也。史記作莊躄。菴漢書仍之。後漢書作莊豪。壽陽國志作躄。云楚莊王苗裔。通鑿莊豹注。莊姓。宋戴莊之族。有出於楚者。莊躄是也。亦作豪。蓋豪即躄。古音相通。字亦相借。雲南志謂豪為躄之裔者。無據之說也。

馬王

玉屏邑西北有營砦數處。相傳為馬王遺跡。馬王俗謂馬援也。案五代史。楚馬殷。梁太祖時拜侍中兼中書令。封楚王。後平朗州。雷彥恭。澧州向環。辰州宋鄴。敘州昌師益等。率谿洞諸蠻。皆附於殷。殷請升朗州為永順軍。依唐太宗故事。開天冊府。置官屬。太祖拜殷天冊上將軍。末帝時加殷叅安。叅昌。靜江。甯遠軍節度使。洪鄂四面行營都統。唐明宗時封殷楚國王。殷卒。子希範立。襲殷官爵。封楚王。谿州刺史彭士然。案谿州銅柱記作彭士然。五代史作然。非。率錦仁。獎。今鎮。諸蠻攻澧州。希範遣劉勅。劉全明。案銅柱記無劉全明。等擊之。士然大敗。走獎州。遣其子師曷。案銅柱記作師呆。率諸蠻酋降於勅。谿州西接牂柯兩林。南通桂林象郡。希範乃立銅柱為表。命學士李皋銘之。案李宏舉見谿州銅柱記。五代史作李皋。非。蓋屏邑在五代時為谿洞諸蠻盤踞。必楚國所置官屬。或馬氏子弟奉王命令。号召糾聚於此。安營立砦。則所謂馬王。乃馬殷希範希廣父子兄弟也。伏波於漢豈稱王哉。若銅柱記文。稱我烈祖昭靈王。漢建武十八年。平徵側於龍編。樹銅柱於象浦。蓋希範自言為伏波將軍之後。尊援為昭靈王耳。谿洞之民。安知目王呼之。

黑神

神爲唐將南霽雲。范陽籍也。黔人目其長冠戟須而貌黝。稱之曰黑神。其香火無處無之。幾昇關壯穆等。而其威靈響捷也。亦幾昇壯穆埒。吾想夫尹子奇之復圍睢陽也。爲至德二年。城中食盡。至掘鼠羅雀。延喘堅守。陣雲苦深。衝梯爭舞。公奉張巡之命。犯圍突出。告急臨淮。賀蘭進明昧捍圍之義。腐敵愾之心。坐擁疆兵。無援揅意。猶復愛公魁岸。具饌延留。公憤激慷慨。痛生靈之命就枯。念主將之精已盡。乃嚴責進。明目忠臣義士之爲。嚙指淋血。射矢浮圖。誓掃烽煙。還滅賊子。志雖未就。不可謂不壯矣。死而爲神。豈虛也哉。顧黔人之祀之者。或目其子承嗣爲清江太守。有惠政也。而尸祝之。又或目其子曾立唐貺也。因相沿而俎豆之。然當壬戌苗變。貴陽受圍。城陷秣炊。柔時耳。而旌旗甲馬。忽見睥睨。蛾賊辟易。城獲目全。矧夫淫滂愆陽。火災癘疫。有祈必應。黔之人荷賜良多。其瀦鬱肝。嚙犇走而恐後也。固宜。

坤播州道中謁南將軍廟詩

陰風慘澹歛荒郊。訓狐鴟鵂磬磬。烏雅亂飛烏白樹。雲中甲馬翻靈旂。老巫開門款客入。中塑威神絳袍襲。黝面長牙倒豎眉。猙獰怖人鼻欲歛。短碑斜臥鐘煙草。落蘚紛堆待洗掃。獸頭最鳳已缺殘。漫漶似書唐天寶。居民求雨復求晴。高香一炷插前楹。神果有靈風雨節。種禾種黍多歡聲。合寨斫牛答神意。紙錢清酒鷺白翅。碎匄銅鼓震遠村。熨女蠻童走如織。我亦整衿趨稽首。敬祝并途無整咎。仿佛似聳神有言。林林暗護放心走。

北陰神

永樂十二年。五谿蠻句合黑苗復畔。阻塞黔楚要路。蘄州衛指揮洪壽隨軍門王鎮大軍五萬分途征勦。壽領兵二千五百爲先鋒。由小洪江進抵苗羅。苗忽遽至。時大軍未集。壽戰陷重圍。身被七創。連衝五次。不能出。日將昃。苗忽驚駭奔潰。自相踐踏。死者甚衆。壽謂有援兵至。及叩昧。見空中人馬迷漫。現五色旗。上有北陰二字。聞追逐之聲。圍遂解。後大軍會於沅江夾擊。壽由五開天柱。追至清水河。生禽蠻長姚老虎。阿泰等百餘人。軍門上其功。奉召陞見。奏聞。神膺封爵。而壽授平谿衛指揮。及歸。設祭於家。忽有巫者踵門告曰。奉北陰神命致語汝家。吾本近敦煌一國。爲金人所滅。上帝憫念無辜。封爲北陰神。苟念爾忠勇。危難之中。故爾相救。巫者且傳其祭享儀制。科文陳設。及牲牢俱用燔炙。大類古時塞外諸國風俗。余至玉屏問諸人。咸言洪姓至今虔祀勿懈云。

柴沖大王

深山大壑。多有神怪。能致雲雨。雖非祭典所載。苟有益於民。卽爲之薦腥俎。猶愈於陳葆之祠。雜縣之祀。故靈感喉泉。虔賽古攬。災回颺所。敬祝木瓜。著在葑聞。協于羣望者也。余至玉屏之五月。田苦旱。聞城東五里有洞。洞有神。号柴沖大王。禱雨輒驗。卽乾封年亦必少資潤漑。邑人士言邇者神爲天柱縣請去。祈毋不雨。余曰。旱旣太甚。苗將就枯。余當譖之以蘇吾民也。乃宿齋一日。豕酒楮帛之屬。必具必潔。晨步出東門。行二里許。路無蹊逕。延緣於陸畔。再進。則青壁萬尋。丹崖百丈。趾跼隄唇。腹摩石角。逼仄險奇。不可目足。余手擎瓣香。趨行而上。孫甘兩學博。王縣尉。尙後予五百弓許。不能屨屣也。至是刑牲管血。奉爵酌

醕盼。霧來兮。恆幹。跪敷衽。目傲祠。不知神之果鑒否也。仍步至署。途遶丙谿。勘地。歸塗。次野雞坪。忽山雲樓起。苑風樹鳴。急綴馬返。豐隆大出。日將其雨。礮礮電影。昇河俱傾。泊入闔。見閭閻之民。憇者以喜。病者以愈也。越三日乃止。優渥霑足。歲以有秋。非余薄德之所能致。信乎神之有靈。普淖黔首。用能吐陰垂澤。不使無鳩也。

附憂旱詩

赤日隆隆煎下土。遽田龜拆墨尺五。嗟我柔禾然焦炷。農夫坐視淚如縷。肥遺矯矢旱毋舞。未見望舒離金虎。捉來蜥蜴壘底苦。咒他雲興濃霧吐。小兒持枝羣擊鼓。願將肥豕祀田祖。涔涔數點甘露乳。驕陽猶自披雲靄。嗟我農人饑無脯。何暇綢繆破牖戶。安得力牧千鈞弩。射殺應龍飛霧雨。

增埜雞坪遇雨詩

攬轡高岡上。郊籬夕色迷。埃風吹轉蓋。凍雨振沈泥。遠樹冥飛鳳。山名孤篷下野雞。河名歸來父老逐。馬首雲淒淒。

李白至夜郎辯

夜郎漢屬牂柯郡。牂柯本且蘭國。在今遵義府。唐屬珍州。在今歌羅寨。李白曾貶歎於此。今桐梓驛西二十里有夜郎城。道臥古碑。字已漫滅。縣治內白故宅舊井跡存焉。余攝篆遵義之日。暇游桃源洞。洞葍最。鴈屹然。鐫曰李白聽鶯處。蓋清流蟻酒醅初綠。暖入鶯簧舌漸調。乃流謫時所詠也。近人謂白流夜郎實

未至其地。據贈江夏韋太守良宰詩云。五色雲間離。飛鳴天上來。傳聞赦書至。卻放夜郎回。又據詩云。答去三湘遠。今來萬里餘。謂白泝三湘。將上夜郎。卽聞赦命而還。其說疏甚。夫白之在夜郎也。蓋久而後奉金雞矣。其秋浦桃花憶舊游詩所云。三載夜郎還。於茲鍊金骨也。又烏江畱別宗十六環詩曰。拙妻莫邪劍。反比二龍隨。蓋白攜妻子就貶所。而宗環從至夜郎。仍旋鄉里。白送之於烏江也。烏江在今遵義府南八十里。源出黔西經縣之湘洪仁三江。由南思北流。入蜀之涪江。昇詩所謂白帝晚猿斷。黃牛過客遲者。亦符。又不止題葵葉贈辛判官。聞醑不昇。荅陵木瓜山諸詩之可徵也。今不觀荅賢全集。輒撫一二語爲譚資。且矜其創獲。是猶詫維摩之取孟堅而遺班固也。

增李白聽鶯處碑詩

采石騎鯨竟不還。聽鶯遺跡尙人閒。鄉書未剖豫章鯉。明月空瞻飯顛山。靈離終期翔焚樹。鈞天那復聆雲鬢。我來未值春風暝。倚酒聊歌菩薩蠻。

懷白亭

遵義城外里許。有桃源洞。洞有懷白亭。明大學士王應熊之所建也。其曰懷者。不知昇吾意之所懷異。亦不知其與吾意之所懷同。但目千百世之下。尙有人焉。慨慕而懷之。則白之自有可懷者在也。余嘗讀贈江夏韋太守良宰之詩矣。憤九土之橫潰。念二聖之游豫。蒿蒼生之無辜。斥公卿如犬羊。非徒作豪語以自快。蓋其窮理亂情。涉霸王略。故有此箭落旄頭。弧墮天狼之壯志。迨至爲負霜草。蒼昊莫訴。乃思栖蓬

瀛學丹砂。雖有冥鴻高飛。不爲弋人所慕之意。而慶幸於日之再中。辰之居正。是仍抱大國之惡。灑沾纓之淚也。而人之懷之者。輒曰其詩思之不羣。抑未矣。余是目爲之論曰。

昔青蓮目龍蟠鳳逸之才。眼識汾陽。氣吞力士。其襟期可蓋世矣。泊乘醉應詔。倉卒對御。目至尊寵。倪彼飛燕。居然納牖。讒誨之義。不獨詩詞可被管絃已也。使元宗識其俊杰。真乃天庭。用能嘉謨入告。正色立朝。必不肯倚楊氏之山。炙林甫之手。以孤主知。且可令徽嬪之徒。惴心忤志。即不然。試於盪易。授之戎麾。其時薊門烽火。鼓震天。白也夙管劍術。訓練士卒。亦足目捍圍敵。愾摧漁陽之鋒。何至大河。目北無堅城。二十四郡無義士。而洛流嗚咽。河潼染腥。天下事等諸車。犇航沈乎。即使霓裳舞破。玉壘難回。而身膏草。亦當昇臬卿之舌。睢陽之血。同其激烈。共享榮名。乃卒蹇偃不振。飛黃伏阜。空名自悞。較身蠻荒。其才未竟。其志未申。徒令後之人。目騷人墨客。相稱許。悲夫。

增九日懷白亭登高詩

濛濛秋滿埜。岸幘此登高。鬢插陶潛菊。詩題禹錫餹。江山供斗酒。風雨落吟毫。俯瞰嚴城郭。人家十萬罍。

王昌齡墓

貴州通志云。黎平府開泰縣龍標山。有王昌齡墓。齡被謫死葬此。案新唐書。昌齡貶龍標尉。後世亂。遐鄉里。爲刺史閻邱曉所殺。是此閒之冢。顯係增會也。又思南有李渭墓。在萬聖山館。楚人歐定力爲作誌。銘渭祠前。子孫長起見之。詣塋所。而坳封如故。

謁王陽明先生祠記

澗管誦先生何陋軒記之言矣。曰愛憎面背。變亂白黝。浚彘窮黠。外良而中螫。諸夏蓋不免焉。雖彬郁其容。宋甫魯掖。折旋矩矱。猶之陋也。夸之人迺不能此。其好言惡冒。直情率遂。則有矣。世徒曰文詞物采之渺而陋之。殊不知也。嗟夫。先生之論。不獨洞物情。直示人目。樸令各返其渾穆之天。而狡隱譎詐之不作。庶典章禮樂。宮室軒裳。可埒之目行。不然是無軌輓之車也。又曰夸之崇巫事鬼。瀆禮任情。不中不節。期望於來者之移風易俗。是直以天下無不可化之人。以夸之昭質未虧。因其機而利導之。則爲功易而爲效亦速。何今數百年間。醜風潛煽。醇源浸竭。變妄若此。其甚。豈降衷之不恆乎。夫固有以教之也。誠使爲司牧者。做古歆射讀灋。而教之。曰父子兄弟夫婦朋友之經。曰戢其椎魯。器悍睚眦之習。俾各安於刀耕火耨。無飢渴死傷之嗟。因示之曰典章禮樂宮室軒裳之樂。漸改其椎蠶卉服。鴟首獸息之敝。夸雖蚩蚩。吾知其從之也。如冬日之陽。夏日之陰。不召而赴也。乃有司者。罔知幅利。競爲貪黷。且曰夸之蚩蚩也。而誅求之過甚。夸之人目爲是不足父母我也。規避之心。浸假而爲侮慢。侮慢之心。浸假而爲狡詐。竝其本然。樸塞之陋而亦失之。是士大夫無廉恥。而望天下有風俗。不可得已。今者願瞻廟貌。道範斯在。念先生尙不敢任化理之責。余小子痛俗之不競。教化闕如。用是奮用是懼矣。

十八先生墓

當明之季。永明王由榔。自廣西走貴州。孫可望處之安籠所。新改興義府無人臣禮。從臣昇內侍等。咸憤甚。飲

益山海經云。卜明史記正義引作井明。漢書注引作弄明。生白犬。是為蠻人之祖。卜明黃帝之曾孫也。而應劭范蔚宗遂謂

高辛氏之犬名曰盤瓠。妻帝之女。生六男七女。搜神記謂賜美女五人。生三男六女。非妻帝之女也。自相夫婦。是為南蠻。抑妄矣。夫

公子蟣蝨。詎誦阿房。大夫蜺蝨。何畏烟氏。白犬之稱。殆猶豹奴虎狔。矜其雄俊。狗兒犬子。志其愛憐云爾。

豈真是緇非素。護跖憎堯哉。世固有指名相反。稱謂不倫。搏虎馮婦。不是明雌。亭侯王嗣越妻。非同先雄。

孝女。儻謂号是縣蹠。必然叩氣。則景升兒子。早隨巨公。臺中鄧何。曾赴上蔡矣。夷考肇錫。證諸羣經。狼貪

傲狠。被目饜饕。檣杙之稱。則狗苟踣踞。比之韓盧宋雋之族。未為不可。誰或非之。今者馬養鷲之閒。選選

廟額。其像叩槽而祭。是猶掀伍子胥之髯。而續西門豹之尾也。亦大可莞已。案魏略。武都氏其種非一。皆乃盤瓠後。又案黔中五谿。長沙開為盤瓠後。其在峽中。巴梁開者為廩君後。

紫姑

劉敬叔異苑云。紫姑。本人家妾。為大妻所逐。正月十五日。感激而死。故世人作其形於廁。目迎之。祝云。子

胥不在。曹夫人已行。小姑可出。子胥。聳也。曹夫人。姑也。又宗懷荆楚歲時記云。望日之夕。迎紫姑。目卜。將

來蠶桑。故占衆事。今黔之各郡。不聞有此俗。獨玉屏於元宵。小兒女用帕巾蒙筭箕。簪以花朵。兩手托之。

問衆事。蓋猶是楚之遺風也。案白澤圖云。滙之精名卑。狀如美女。而五行。書又云。廁神名後帝。搜神記云。陶侃見之。

續黔書卷之二

黔中

黔中之置郡也。當秦昭王之二十七年。為周赧王之三十五年。取楚之巫黔中地而置也。所理在今辰州四十二里黔中

故郡。漢高帝四年。改黔中地為沔陵郡。辰州敘浦縣是。始元二年。分天下為十三都。沔陵郡屬荊州都。後漢時。沔陵郡屬蜀。昭烈沒後。屬吳。晉平吳州郡。雖屢有更易。而武陵常屬荊州。劉宋時。武陵領於郢州。刺史隨開皇初。廢沔陵為朗州。大業初。復置。唐武德四年。置黔中。唐黔州本漢帝陵縣。理晉永嘉後。地沒蠻蠻帥田恩鶴以地內附。因置奉州。建德三年。改為黔州。太宗三年。又改。貞觀元年。復以黔州之都上縣開為黔安郡。因周隨州郡之名。遂與秦漢黔中地大牙難辨矣。見元和志。

南唐置巨州。九年。以隨牂柯郡之牂柯縣置播州。十一年。罷黔州都督府。置莊州都督府。先天元年。廢播州都督府。復置於黔州。開元二十一年。分天下為十五道。設黔中道。置黔中採訪使。治黔州。大曆五年。改巫州曰敘州。改業州曰夔州。元和二年。廢珍州入溱州。思巨。費播。溱。錦。敘。夔。八州。皆隸黔中採訪使。宋初因之。止存彭水。黔江二縣。省洪杜。洋水。信寧。都濡。入於彭水。是則秦之黔中。即漢之沔陵。兼今湖南常德。辰州。沅州。寶靖。諸府。並包今貴州。思州。石阡。銅仁。黎平。思南。諸府也。唐之黔中。亦兼今黎平。鎮遠。遵義。思南。銅仁之地也。若宋之黔中。並及四川重慶。彭水。諸縣也。胡渭生以黔中。寧夷。涪川。播川。夜郎。義泉。溱谿。七都。皆梁南徼外蠻夷。非古黔中地。而目杜佑說為誤。不考之過也。

埧黔中曲十三首

南來步戰楚莊豪。水下牂柯起怒濤。一自滇池有王屋。夜郎印綬委蓬蒿。

衣皮散髮是烏蠻。鬼主家家禱祀還。四譯難通七部落。阿羊卜漏昇夔山。

嬋娟者子好樓居。鬢髮如雲鬢翠裾。十二珠璫墜耳後。竹筒何似擬朝梳。

紵布裙衫踈地垂。盈盈非女賦梅遲。門前虎吠如寒豹。莫是蕭郎叩竹籬。

合賽聲喧說砍牛。阿爹抱得負薪憂。文康集有良方在。鐫石曾留筆竹郵。

老雅關上老雅嘍。澀勒林端日已西。問道行人晨飢未。舟坡犖确路高低。

梔子坪邊足春光。雜花生樹鬪鸞簧。短裙窄裋龍家女。踏月吹蘆空斷腸。

斗大山城景物熙。雨風風雨竹王祠。迎神一曲鳴銅鼓。簪酒滿斟倒接羅。

雞翁山上碧雲圍。釋燕河邊白鷺飛。莫道羅施風土惡。芋毛稻尾鱖魚肥。

椎埋不復趁斜曛。白晝摸金各飽分。寄語彊弓休貫矢。舟途拾得聖婆裙。

山雲如墨水如湯。竹筴橫空鳥路長。閒向焦谿看浣布。蠻娥兩足白于霜。

誰家花樹最葳蕤。鐙火元宵處處嬉。幾隊笙歌小男女。靚粧不是鬧娥兒。

淫霖圍圍少晴天。吠雪蒼黃事偶然。見說紅花浮瘴氣。滿斟卯酒疾能蠲。

夜郎

苗婦高髻常橫比。苗俗處女禁。私疾不。惟殺牛。有。藥。南里許。入滇。關在安南。之。開。最。為。要。龍家女。踏月吹蘆空斷腸。龍家。有。四。耳。清平。楊。老。神婆多。伐人家。墓。土人。嘗。拾。得。聖婆裙。揭。以為。幟。與。苗。戰。輒。敗。去。不。獨。是。春。月。立。木。竿。于。野。名。花。小。種。花。苗。春。月。立。木。竿。于。野。名。花。樹。女。環。跳。吹。笙。晚。各。就。私。焉。人。以。早。飲。火。酒。為。能。消。瘴。云。

南尼君長目十數。獨夜郎爲大。楚頃襄王遣將莊襄伐之。軍至且蘭。楸船於岸。步戰滅之。蒙遂留王滇。旋夜郎仍自立爲侯。漢孝建元六年。遣唐蒙通夜郎。元鼎六年。平且蘭。遂平南尼。侯迎降。錫目王爵。後仍殺之。置牂柯郡。後置益州。以牂柯屬焉。荀悅云。夜郎。犍爲屬國也。其地在湖南。東接交阯。漢爲縣。屬牂柯。正義云。今瀘州南大江。南崖協州曲州。本夜郎國。晉永嘉二年。分牂柯立夜郎郡。領夜郎四縣。宋齊隨因之。唐孝德四年。析巨州之寧巨縣。置夜郎縣。貞觀八年。析巫州之龍標縣。置夜郎。十六年。開山洞置珍州。亦置夜郎。天授二年。又析夜郎置涓谿縣。長安四年。以龍標所析之夜郎。涓谿二縣置舞州。是今石阡。思南。爲巨州之夜郎也。今黎平。鎮遠。爲龍標之夜郎也。今桐梓。正安。爲珍州之夜郎也。若秦漢時之夜郎。則西距邛笮。東接交阯。地凡數千里。今人徒知遵義之爲夜郎。亦不知夜郎之大矣。

坳阜筴坪詩

將軍旗鼓此屯營。焚洞風煙蕩掃清。我抱蒼茫懷古恨。揮鞭一問夜郎城。康熙十九年。定遠平寇大將軍。具子章。奉統征南將軍。穆占。綏遠將軍。蔡毓榮。建義將軍。杜興球等。自湖廣克辰龍關。屯營此地。取貴州云。

龍標

黎平。秦爲黔中郡地。漢爲沱陵郡地。至梁於漢巫縣。置龍標縣。隨屬沅陵郡。唐孝德七年。置龍標縣。貞觀八年。置巫州。析龍標置夜郎。朗谿。思微。三縣。天授二年。改巫州曰沅州。析夜郎置涓谿縣。長安四年。分沅州之夜郎。涓谿。置舞州。舞州。卽今鎮遠。是沅州卽巫州。巫州卽龍標縣。在沅州之上。鎮遠之下。境壤相錯。

卽龍標縣地也。又案開元十三年，復改沅州爲巫州。大曆五年，改巫州爲敘州。敘州卽今黎平，亦卽龍標縣地也。玉屏舊屬沅州，其爲龍標縣地無疑。案王昌齡貶所爲今黎平之龍標，非沅州之龍標也。

廢牂柯郡

漢元鼎六年，平且蘭，遂平南戶，置牂柯郡。後置益州，目牂柯屬焉。始元二年，分天下爲十三部，武陵屬荊州，郤牂柯屬益州。郤後漢州郡因之。晉永嘉二年，分牂柯太平、夜郎二郡，劉宋時，牂柯平夷、夜郎屬寧州。隨開皇初，置牂柯郡，廢恭陵爲朗州。大業初，復置唐恭德三年，目牂柯首領謝龍羽地置牂州。貞觀元年，目隨之牂柯縣置朗州，並析置恭水、高山、貢山、郎施、柯盈、釋燕六縣。九年，目隨牂柯郡之牂柯縣置播州。今平越所轄數處，卽故郡地也。案牂柯字形各書不同，前漢作牂柯，後漢作牂牁，常璩華陽國志亦作牂牁。隨志作牂柯，部忠恕作戕戕，韻書作棧柯，或作椿柯，亦作戕戕。然漢書西南戶傳及宋晉志俱作牂柯，亦當以牂柯爲是。管子中匡篇有南至吳越巴牂牁之文，是牂柯春秋時已有，或係後人附會。

牂柯江

十三州志云，牂柯者，江中山也。水經注云，牂柯江中兩山名，異物志，牂柯，繫船棧也。其山在海中，小而高，可以繫船，俗人謂之越王牂柯，遠望甚小，石高不似山，望之似爲一株樹在水中。班史以牂柯爲楚莊豪伐夜郎，榑船處。漢初卽於是地置牂柯郡，持目地，屆荒服。桑欽酈道元輩未嘗一問津，宜其於江流原委，略而不詳。後之人或以烏蒙七里關水當之，或目烏撒之盤江當之，或目定番之濛濛當之，而總未覈

也。夫七星關之水，固東出烏江，不注可渡河矣。可渡源發金沙江，來自吐番，由雲南之麗江塔城關入中國。經鶴慶、姚安、東川、茆定諸府，至四川之敘州，昇岷江，合入於東海，非若盤江之從粵入南海也。且盤江兩山夾峙，波濤湍盪，蛟龍魚鼈之所不窟，而謂可操舟耶？若定番之濛潭，雖注泗城州而入粵，而不能入番禺，且涓滴流也，亦昇史記所記廣數里者不符。吾聞唐蒙之風諭南越也，蓋嘗蹤跡之，以爲夜郎臨牂柯江矣。老帝遂拜爲中郎將，從巴蜀筰關入，因見夜郎侯多同，聽蒙約束，還報曰：爲犍爲郡，發巴蜀卒治道，從犍道指牂柯江，今播州夜郎地也。犍道又昇播近，則牂柯江卽烏江無疑。余引節遵義，至城北九十里，有蒙渡橋，爲黔蜀要路。父老傳其卽蒙發卒治道處云。常璩南中志云：談指縣有不津江，江有瘴氣，案謂牂柯有沈羽之流，不知當今何水也。

羅甸

季漢諸葛亮南征，蠻長濟濟火佐禽孟獲有功，封羅甸國王。此羅甸立國之始也。唐元和六年，羅羅鬼主上表請盡歸牂柯故地。開成元年，鬼王阿佩內附，會昌中，封其別帥爲羅甸國王。世襲爵。宋開寶中，普貢納土，襲封如故。元至元十五年，羅施鬼國主阿榨內附，詔授安撫司。十七年復叛，左丞李德輝諭降其酋長阿察，奉鬼國爲順元路。呂阿察爲安撫司，至阿畫，呂軍功授昭勇大將軍，佩三珠虎符，爲順元等處宣慰使。加羅甸侯，世居水西，有爵土，靛翠卽其子也。後爲安氏。明洪孝四年，靛翠歸附，授貴州宣慰使。翠死，都指揮馬某欲盡滅諸羅爲郡縣，翠妻奢香奔訴太祖，願效命，遂率諸羅開偏橋東水道，自通烏蒙烏撒。

及容山草堂諸境。且立龍場九驛。以通巴蜀。而西南益闢。即濟火之裔也。入國朝。安坤搆亂。討平之。自水西為黔西府。今改比喇為平遠府。今改大方為大定府。烏撒為威寧府。今改蓋自濟火至安坤。歷四千四百餘年而亡云。

增明楊慎羅甸曲四首

山園羅甸國。水繞滴澄橋。橋下東流水。可惜無蘭橈。
 蠻樹不凋葉。蠻雲不放晴。長亭望不見。何處是查城。
 寒鏡悶孤館。陰雲鎖重城。長夜恆思曉。久雨恆思晴。
 林閒山胡鳥。聲聲曉我荈。何似故園裏。花亭聞杜鵑。

八番

八番者。大龍番。小龍番。臥龍番。洪番。程番。石番。巖合誌石番。盧番。韋番也。五代時。楚王馬殷遣八姓帥率。邕管柳州兵討兩江谿洞。至此畱軍戍之。遂各分據其地。号八番。宋初以來。有龍番。方番。張番。石番。羅番。号五姓番。世奉職貢。受爵命。龍氏於諸番最大。其貢奉尤頻數。元符二年。又有牟韋番入貢。詔目進奉人。韋公憲。公利等為郎將。諸番部族數十。獨五姓最著。程氏。韋氏。皆比增五姓。又号西南七番。元至元十六年。設順元路宣慰司。隸潭州行省。遣兩淮招討使經歷劉繼昌招降八番。俱授為安撫司。自宋迄元。龍番分為三。而張番之裔無聞。明設程番府。後移府於布政司治城。萬曆十四年。改州。領長官司十七。國朝康

熙五十年革盧山司五十七年革大華司雍正七年革洪番司今設者程番司章番司盧番司以龍番司大龍番司小龍番司金石番司上馬橋司小程番司麻嚮司方番司木瓜正司木瓜副司凡十四也

銅仁

郡之西南隅有銅巖巖然高峻昇雲氣相連接下有銅仁江白沙如米青石似魚洵嘉境也省志言昔有漁人沒江底得三銅人挽而出之郡目此得名又載播州銅佛寺有七銅佛一夜皆失思南漁者得其四建金仙寺奉之銅仁得其三想卽以江中之所得者爲播州之所失也然銅之得在元時播之失則明嘉靖十四年歲月不符且江之得者三播之失者亦三仁者二人也何錫名又不實乎蓋郡舊爲錦州元始置銅人大小江等處其曰銅仁者則明洪釜初改之之誤也或乃以播州之失者牽合之何其謬昇

苟扇洞

今永豐州之羅斛東六十里有洞在山巔寬敞幽僻人跡罕到相傳葛洪鍊丹於此余案葛洪本傳洪以年老欲鍊丹以祈遐壽聞交阯出丹求爲苟扇令至韶州爲鄧嶽所留不得還乃止羅浮山修鍊是稚川未嘗至交州也何爲有藥竈之遺夫臨賀之石雷公磨刀涇州之堆夸父振履軒轅鑄鼎于鼎湖委波皆是重華播琴于歷畔顏阜都君大抵皆妄者所傳也一統志句瀾山在梧州府北流石峯千五百從平川中也案句瀾山以在梧州者爲是貴州羅斛雖與粵西接而不與北流相直志又云瀾有三石室葛洪嘗修鍊於此又有丹竈八仙石則亦傳聞附會之言未實之本傳也

豚水

海內東經云鬱水出象郡而西南注南海。入須陵東南。案鬱水卽豚水也。漢地理志云牂柯郡夜郎豚水。東至廣鬱。又云罽封温水。東至廣鬱入鬱。又云鬱林郡廣鬱鬱水。首受夜郎豚水。東至四會入海。水經云温水出牂柯夜郎縣。又東至鬱林廣鬱縣爲鬱水。又東至領方縣。東昇斤員水合。東北入於鬱。注云鬱水卽夜郎豚水也。又案豚水亦卽牂柯江水。華陽國志云牂柯江水出南徼之東。通四會。至番禺入海。是鬱水卽豚水。豚水卽牂柯江水審矣。牂柯水卽鬱林江。卽駱越水。亦名温水也。豚字班氏西南傳作遞。蓋字通也。遞又作遂。故歸匪易遞卦之遞之作遂。山海經豚作逐。郭注。逐古豚字。案逐當作遂。易之豕爲豨。神豨卽大豕也。可知逐之宜爲遂矣。

續黔書卷之四

萬卷書巖

水經注云。積石河北有層山。山甚靈秀。縣巖多石室。室中有積卷。而世士罕有津逮者。謂之積書巖。巖堂之內。時有神人遙還。武陵記云。天門山巖中有書數千卷。見而不可取。伏滔北征記云。皇天場古陶穴。藏書二千餘卷。異苑云。百丈山中有石房。內有石案。置書二卷。荊州記云。小酉山石穴中有書千卷。相傳秦人於此學。留之。故梁湘東王云。訪酉陽之逸典也。余載念前言。崑思御飈輪而上。尋瑯嬛福地。拊守門之犬。讀玉京紫微金真七映一作丹書紫字諸祕籍。而遇嗇緣慳。未之或覩。又念乏壯或之方聞。慚安世之善記。卽有玉版奇文。瑤壇怪牒。亦嘗視芒胷矣。夫羽陵蠹簡。牧德靈符。翠玉爲庸成之策府。宛委有高密之元經。是名山者固儲書之石室。貯典之蓬觀也。玉屏邑東一里。高峯峭壁。疊石千層。儼若牙籤萬軸。橫互江左。則萬卷書巖也。余旣不得讀中祕書而來此。何敢薄民社。爲粗官。但一行作吏。此事遂廢。每當敲撲。犯慮牒訴裝懷之時。登臨舒嘯。坐擁萬卷。不啻南面百城。而塵容俗狀。俱爲之一洗。是亦懸宦之至樂也。

增詩

祖龍劫火不到處。長恩潛在深山語。怪牒靈文媿臯墳。不計渾沌何年貯。天目層石作金題。霹靂不掣勞

黠鼠。獐獠。詎識靈寶方。徒墜蠻荒誰企佇。壬戌之夏我清暑。一笑此中字堪煮。擬將闕斧倩巨靈。鑿破幽崖之岨嶸。龍威偃走赤雀飛。露出尊盧古時楮。水煎青鐵磨險糜。寫遍雲膜字如柔。語奇文奧驚鬼神。借人可博束脩犇。執意撐犁妒我心。鋸斤未試風霆阻。謨觴洞兮竟鑰封。濤聲日夜護江渚。

游紫氣山記

管柳柳州之記遊也。曰奧曰曠。竊謂此兩言者不獨鑿山之景。兼得山之理焉。黔固山國也。而玉屏之西境。險黎平昇粵爲鄰。連峯複嶺。彌望不絕。然或則魁父無丈之材。或則單椒無曲之巒。求所謂奧如曠如者。不可多得。今夏伏日。埃鬱。衙齋。峭潔。赫曦逼人。王尉露謂城西隅紫氣山。雅宜游暑。遂觸熱往。不半里。見阪陀回互。岡巒起伏。雜花叢於層石。古柏蔭於疊崖。涼颼徐來。煩檢頓滌。實仙靈之館也。爾其清谿環鳴。瑟雞叶韻。荇藻漾潔。游甲浮空。樹入牀前。橫籐礙路。山來鏡裏。鳴鳥依人。予亦不自知其何目。目不周翫。情不給賞也。嗟夫。辛圃銅柱。君山玉臺。姑射尋仙。空桐訪道。誠棲霞之逸志。或齒屐之寓言。孰若此山。境鄰城市。不染囂氛。楹不待遷。日自隱難。田鋤芝而鳥糞。泉挂鶴而煙霏哉。假令子厚來此。必悔其目嘉名錫彼穢區也。

坳紫氣山詩

淙淙流水隔橋聞。靜坐蒼苔鬱翠雯。陽雀夜啼千嶂月。篋勞閒鏤一溪雲。曾傳白雪飛初地。有寺名瑞雪禪林。詎有青牛立夕曛。幽境獨憐臨驛路。馳煙誰勒草堂文。

增衙齋苦熱詩

皓汗風光侶。壽麻無能清暑效。浮瓜金丸我欲彈。鷗鳥好植瓊南孔雀花。

游東山記

出玉屏東門。循山麓而行。石磴盤曲。路才容軌。牛叩馬搏。視此郁夷。方里許。延緣於田畔。時新雨初霽。畦水漲汛。秧苗抽鍼。平綠如鬪。穀犬亂吠。殊足喜人。再進。則一徑雲深。層松攢柏。列若夾道。松柯隱景。交蔭脩篁。清籟鳴條。山壑答響。雅可游目。憑衿。悟衷散賞。山之右爲寺。正殿倚巖。結構雖未宏麗。而真容巨壯。亦稱雄刹。兩廡有樓。可眺遠。下則游人憩息之所。旁穿小徑。蒔菽雜花。有洋繡毬二株。爛如雲錦。薄午鬱蒸。予倦甚。沈睡多時。起呼饋。則積陽已極。岫矣。出山門。振裊延風。神志爲豁。牛下遠邨。炊煙在樹。歸飛之鳥。千翼競來。俯瞰大江。回縈如帶。視往來征帆。不啻鳧雁也。

重游東山記

今夏三月杪。余曾策杖來游。茲以巡稼之隙。復問塗焉。時金風初扇。而餘暑猶勺。藥乃於林際。跌坐散髮。跣足松濤。竹響清若竽笙。舉頭一笑。宛暘都消。俄王尉聞予游。亦來相與踞盤陀。翫籟聽鳴禽之上下。俛視遠水空明。皓同積雪。印瞻白雲。翹然天外。容裔如如。而蓮峯北聳。疊椒重萼。刻露清秀。恍覺舊游無幾。而風景頓殊。猶然塵鞅。儼山靈騰笑我也。乃朗唸曰。青林倦鳥語。緜蠻侶說白雲返故山。日月幾何風景換。鏡中疑我尙朱顏。蓋予是時有退志矣。遂循苾逕至寺後。見碩木森井。圍繞沈池。激渟鏡澈。浮萍含

綠微颺乍拂。漪漣生文。蓄金魚二三百尾。曦景斜注。則相聚响風擗爲戲。又或衝藻徑去。游閒遠放。若避世士然。低徊者久之。乃昇王尉聯騎歸。回視嶮嶮。如攢岡之托霄上矣。

飛鳳山

昔向長欲男女婚嫁畢。裹糴游五岳。是其勝賞神鄉。秀情超拔矣。余疇昔亦心栖白雲。邈想霞蹤。今遠宦來黔。始入界。所遇巖巒。殊無慰鞿望者。舊說天下山半在黔。中青疑昔人譌詞也。泉抵任。眠事稍暇。凡境內山川。亦每觸岫延賞。傾溯懷煙。而人士多嘖嘖飛鳳山之奇。其言曰。山之高。森峯限日。峭壁爭霞。俯瞰城郭。猶匹帛之繞叢花。險逾縣度。累梯乃升。下則壑雞河清流見底。游鱗可數。沙如霜雪。石似撈菹。架木爲略。約通之。蘭茝被徑。送馥懷芬。榜曰眾香國。高僧某卓錫時之所顏也。玉皇閣倚雲結構。渺如仙居。梵響凌虛。遠山相答。轉側十餘武。丹崖翠嶂。點黛飛瓊。石鑿中瀑布。激素灑清。如委幅練。數折入河。聲猶雷轉。循崖東而左。仄徑難登。蟻亦須翼。攀蘿尋葛。乃躋絕巔。其上真花不落。古樹恆春。岫挂松斂。岑交竹影。流風叩阿。宛若彈絲。自下望之。澹冶如笑。蒼翠如滴。明淨如糍。慘淡如睡。四時之景。豁目頤懷。又風胎雨。殼戲弄羽毛。飛猗栖狸。乘煙歌唼。信可目韜軼笙簧。跨躡管籥。予耳之神。思飛越。覺西麻玉笥。恍遇目前。急欲逞游目。滋吾胸。會差至不果。輒形膠寐。後勘地丙谿。途次壑雞坪。去山里許。見層巒疊嶂。中一峯高聳。旁有兩山夾拱。如鳳舒翼。憬此山之得名不誣也。爾時船雲彭鼻。陵雨潰流。路淖而溍。又不得往。游目探勝。恍如海上神山。可望而不可卽。然予有濟勝具。俟秋高。騰涼餘歛稍退。終當凌最高峯。造幽峻。看博

芙蓉之石。調鶴拒格之松。聆風泉之虛韻。翫巖桂之清香。不使子平獨精物隱也。聊記此言。目爲券。

游白雲山記

廣順州東四十里。有白雲山。層巒疊嶂。如渴驥奔泉。至此而止。白雲齋。峰頂陰晴皆見。爲建文帝荒遜之所。上有羅永菴。莽莽古杉三株。長數丈。其一經帝手摩。至梢無附枝。又有跪井。舊無水。龍神爲之涌波。恆雨不溢。恆陽不涸。時有雙鯉出沒其間。取水者必跪汲。乃可得云。余於癸亥之二月。攝篆斯州。暇日命駕。徑游。欲向寒煙蔓草間。卓錫之遺蹤。至則鹿苑積廡。濫泉息脈。林雅空噪。巖磬無聲。惟嶺上白雲。尙依依似舊也。道旁臥一石碣。鐫帝詩三首。係州牧韓之屏所刻。其中牢落西南一詩。作於滇南。後二詩作於羅永者。彙刻於此。則韓君之疏也。余旣別蘇讀之。遂策馬歸。歸塗少轉。有蒼嶺橫互。挾雲欲飛。縣崖青石。如婦人回首顧盼。簪髻宛肖。相傳有神姬每夜至帝所服役。後被人覩。歛化爲石。又有沈潭。融淳瀟淡。涵碧無波。相傳帝昔經此。忽一靈犀躍出。踰伏道左。若聽驅策者。噫。鳥翼庚辰。虎乳鬪斑。金狄洒淚。泥馬騰波。蛇銜顛項之墓。燕填臨江之壙。神獻管涔之劍。龍眷寄奴之藥。推詳遺迹。則影徹經史。考驗真怪。則叶符圖籍。雖詞趣涉誕。而音旨非誣矣。旣作此記。復繫之目詩。

何年脂帝構。曾駐玉皇蹤。鐵匣歸天數。金川避賊鋒。驚心黃屋杳。滿目白雲封。草木挺旌節。袈裟換袞龍。虬供石洞米。鹿聆閣黎鐘。受詔犀分水。服勞姬化峰。經途無白鳥。一宿河至今無直幹有青松。江海團瓢寄。關山程濟從。鵲唳篁竹裂。鶴唳瘴烟濃。我至尋遺跡。悲填萬古胸。

增建文帝君臣論

余嘗讀史至金川門失守。而王鉞言高皇帝有遺誠。既得鐵函。鑲柙度牒。荆刀。竊嘆。梁弧。箕箒。妖讖。亡姬。蒿棘。女珮。天心。割漢。似有定數。不可以人力爭。亦由聖祖不建青宮。輔弼。俾作皇覺。裔餘也。又念少康逃竄。終乘元圭。宣王潛閭。仍杖黃鉞。五年而天節反。一旅而中興奏。則忍辱。圖存。乘機。觀變。未始非識時之俊杰。撥亂之鴻才。方其成皇。死沙場。昭帝居涼瘡。俺答鳴鏑。戈鋌。鈍於邊關。高煦磨牙。蜂蠶。伏於肘腋。國教孤注。人情狐疑。必不能長駕遠馭。皋牢。萬里之外。而滇黔。地險。沐氏。兵強。假令。劾勃。蘇頓。庭。威公。泣血。自能發勇氣於仲禮。唱義聲於濟陽。漢軍出荆門。卽襄鄧。可搖。戈船下漢南。卽長江。可據。奮青邱之神劍。返紫宮於彝庚。仁壽之鏡。重明。雲臺之仗。復設。握符。關珍。當不其難。或者謂夏桀。浮舟。是爲失位。夷吾。返國。終辱先君。故文叔受符。不惡成帝。復生。元聖。西歸。苦讓忠王。繼統也。豈知惠王。居櫟。殺子。積而返都。襄王。居鄭。誅太叔。以奠位。伯者。克正其難。春秋。不目爲非。況未虐。謗人。翻同流。旋未警。蛾賊。竟爾。蒙塵。反謂三靈。改卜。九廟。弛縣。豈熏丹穴。目求故君。忠乃不足。閉沙邱。而餓主父。事固有名。昇無如。斷鼉。難期。荒野永遜。曠痕。浸淫於枕席。黃屋。寄寓於團瓢。不知晉鄭之依。疇爲共和之計。黃圖。赤縣。置之罔論。毋亦諒精衛。不能塞海。愚公。不能移山。遂甘心於瘴雨。蠻烟。罔筮。夫貞風。熾火。哭連。鸛鶴。寓公。誰迎。謠應。豆田。出帝不返。雖亡國。大夫。不足昇言事。而千秋。直史。何未書。均房乎。昔者。辛羈。降泝水。而容昇。杜宇。禪開明。而遠放。要皆榮遺。松棟。罔念。萬國。衣冠。塵視。玉軀。何計。三泉。鳧雁。乃誦。楞嚴。而白髮。蕭蕭。敲梵。磬。而天門。蕩蕩。

聖人寶失。虛想早朝之雅。法王輪空。尙戀茶毗之骨。毋亦備嘗險阻。精力銷亡。魂將斷於祖龍。方思山鬼銜璧。運已去於佛狸。又恐帝昶寶鹽。思歸葬西山。故明廷自列乎。至若痛哭之五十餘人。從亡之二十二士。沐雨櫛風。胼手胝足。四十餘年。忘其勞勩。吟不動於龍蛇。走自効夫牛馬。雖無仁傑之偉烈。返金輪於廬陵。亦有子家之孤忠。奉馬鞍於埜井。所謂朱炎鑠石。不靡蕭邱之木。凝欠慘桌。不凋款冬之花。義悲六合。仁感萬禩。目視當日之輜。而授衣。開門延敵。味衛難之洪義。拜殿下而主臣者。豈可同年語哉。

梵淨山

黔之郡凡十三。而山接蠶叢。江通雲夢。扼百蠻之要害者。曰銅仁爲最。銅仁之山凡數十。而巖谷幽異。峯巒峭別。壯三江七江。雷羅江。銅仁江。之形。教者曰。梵淨山爲尤。玉屏昇銅密邇。余恨局於墨綬。不得躡。一問辟支佛之遺蹤。然數數輒聞其奇。默想其景。髣髴其境界。不啻目擊之也。聞絕巔有寺。風厲不可瓦。治目鐵。疑蜚廉爲之。歛炭。屏翳爲之。鼓爐也。寺側有崇臺三。曰拜佛。曰說法。曰煉丹。疑鴻衣羽裳。練精餌食之夫所宅也。有井曰定心。水寒沁肌骨。清鑒毛髮。疑飲之者可洗躁進之懷也。山後有池。曰九龍池。皎焉沖照。淨無斥草。疑有翠鳥銜其淪。擗也。登之者。先由金刀峽而上。峽之高千仞。中如斧割。隔五六尺許。有飛橋相接。疑巨壺之所開鑿也。左右皆立梵宇。廣闊可容數十人。陟者攀絙上下。若蹈空而行。疑上落雁峰千尺之嶂也。至其椒。千里風煙。可一覽而盡。疑登岱。宗日觀。可小天下也。然周圍僅四丈。突兀陡絕。疑頂徒喪其捷巧。颺族謝其輕工也。又有香爐峯。綿絮巖。藏經巖。羅列競秀。下有九十九谿。紆折環繞。匡廬武巨之勝。

天台雁蕩之奇。亡日逾也。余於黔之錦巖珠壑。祕洞靈淵。亦幾逼踏矣。疑此山不獨銅仁之壯觀。且爲全黔之勝槩也。何必泛螺舟而渡海。乘毛車。目翔風。登孽搖。捩羝于大荒。深踰次錢來于秦遠。然後詫語殊靈。棗標怪秀。目爲異乎。

游飛雲巖記

天官家言。周雲如輪。魯雲如馬。衛雲如犬。秦雲如行人。齊一作鄭雲如絳衣。宋雲如車。趙雲如牛。楚雲如日。韓雲如布。魏雲如鼠。越雲如龍。蜀雲如車。而不聞黔之雲爲何狀。余來黔。見毒等灌莽風溼之所。蒸鬱爲蠻雲。類符陽之怪氣。無所謂花葩。紉縵。錦繡。縹緲。縣垂。曜藻。慶裔。網縉者。乃至黃平。游月潭寺。所瞻巖石。則爽然失。愕然驚。且憲憲然目不周覽也。則見奇執鬪詭。不可名狀。或最屬而彭薄。或輪困而屈擧。或遶巢而翁鬱。或逆豎而倒懸。或龍蟠而虎辰。或鵬奮而鳳軒。或蛟騰而鶴逸。或獅厲而象狂。或蘇引而旗導。或纓綴而帶翩。或乳坐而煙結。或浪擁而濤漩。而且高者礙日。下者回嵐。巨者勺谷。空者隱潭。皺者膚蹙。漏者竅含。瘦者骨削。薄者殼三。墜者星落。簇者毛毳。立者如踈。欹者如嬉。蹲者如怒。斷者如虧。竊嘆曰。此巖之石。何其譎也。何其似雲之欲飛去也。雖然。造化之工之奇。能目黔之荒僻而闢此靈巖。復能使磊磊之石。變態而不可究詰。卒不能使雲之東西絡繹。南北汕裔者。如此巖石。殆此巖已罄造化之巧。彼蒼無復餘情。目付豐隆。故此巖遂得獨擅飛雲之奇也夫。

增飛雲洞詩

幾年仗劍尋龍子。孰意飛來石洞潛。噓氣成雲作霖雨。竄身僻陋亦何嫌。田修洞內有神龍。大雨時開出。
華不雁蕩醫巫閭。似此靈巖總不如。齒冷客兒誇木屐。那知天外步雲車。

游黔靈山記

古城李孝廉芬逸。曠士也。余引疾閒居。日偕游雪厓洞。因爲余譚黔靈山之勝。約共還游。旋孝廉返鄉去。不果。時屆初秋。炎郁褰埃。旻寓滌氛。遂乘輿步出陸廣門。石逕紆曲。形似書字。寒谿沙衍。靜無漚漚。遠樹空碧。哀蟬激響。恍助予之鄉思。約行三里。衆山回抱。中露出羊腸一綫。盤旋直上。若鳥犴霄。天風振袂。足履波濤。仰眎蔚藍天。蒼蒼如石壁。洎造巔。則阿平開朗。四徹中繩。若未始有山者。修篁萬个。蒼翳成林。曠暉側注。金影瓌碎。延佇凝睇。青甯蠕動。綠痕上衣。裾苾芻出。邀入淨室。茶飲少憩。由正殿側右至一院。斜峯入牖。曲沼環堂。樹響飛嚶。階叢花藥。則游人匡坐之所也。壁多題時官詩。獨鄂西林相國近體二章。契予心。據石和之。擲筆舍去。抵寺後。見攢木千章。圍繞如幄。長卿緣坡而舒翠。商子埒枝而凝紅。蒲錯振羽於草根。媚蚪引嘯於林杪。扶老之禽。昇梵唄。相答石竇之水。共松濤偕鳴。余亦乍覺其秋色之上眉也。裴哀者久之。日已入蒼林。埜烟漠漠。微辨來時路。望見明月。宛宛如故人。偕游者予弟淑也。

埒追和鄂文端公詩

烏紗新脫却。擲杖問仙靈。袖攬嶺雲白。眼爭山骨青。錡鑿林表度。馴鹿苑葑經。寺僧養鹿子二。默念銅文頌。商飈入廣庭。

一泓鳴玉筑。萬綠銜金莖。似此山如買。當爲智者營。聽濤松蓋偃。顧影月波傾。俛仰九霄闊。軒渠鶴籠生。

附元詩

弓衣馳小隊。紆逕入黔靈。隔岸竹林紫。舉頭天骨青。芻尼馴上座。梵貝理殘經。問訊峨眉老。獼猴認祖庭。

主僧四川人。
主曹溪派。

剎那車三究。莊嚴草一莖。衆人殊狗苟。吾道亦蠅營。活殺從渠會。泥沙迴自傾。底緣返初服。安養證無生。

游牟珠洞記

牟珠洞在貴定縣西十餘里。洞內有羅漢大士石像。皆天生自然。妙麗莊嚴。石符一株。竦削鮮潤。青如瑤簫。余壬戌至黔。徃來且闌。數過其處。乃呼道士難炬深入。則見石乳結撰。嵌空瓊瑤。閭闔廓豁。天開別境。雲謠波詭。莫可名狀。有若象者。踞足而躩踞。有若龍者。攫爪而蠃螻。有若虎者。磨牙而趨趨。有若豹者。狡舌而捫撥。跪者若羊。眠者若牛。逸者若馬。藉草而伏者。若禺狻。負厓而犇者。若麋鹿。又有十丈蓮花。亭亭扶疑。翠色欲滴。如仙掌之金莖也。藕船類屋。橫亙天漢。波濤齋森。如博望之星查也。石梁聳峙。如彩虹跨臥。上有僊官。鶴鬣羽衣。童子持幢。荇導也。又有樓觀宮闕。結構旖旎。如入建章之宮。而千門萬戶也。如造閩風之巔。而銅柱瑤棟也。如游蓬萊方壺。圓嶠三山。而羽人出沒其間也。有石鐘焉。蒲牢生動。蠶文齧缺。叩之如木。勝周景王之無射也。有石鼓焉。擊之則軒乎鬻乎。如奏鈞天廣樂。其聲動心。無需蜀郡之桐魚也。道士撥火指地上。曰。此梅花也。眎之瓣蘂鮮妍。皎瑩如玉。疑天女之所散。釋迦之所拈也。忽有聲自中。

來泠泠然似琴。戛戛然似筑。琮琤然似敲玉。嫋嫋然似彈絲。復杳杳然似湘靈之鼓瑟。羸女之飲簫也。頃之。碎狀如雷霆。轟山。劃狀如巨鷲劈岳。漉狀如康回觸不周。其澎湃振盪。如天風海濤。狀其凌厲呼号。軒天蹀地。如昆陽之戰。猛獸助怒。屋瓦皆飛。狀余方愕眙驚詫。莫知其所目。狀道士則曳余裾出洞。指湖開曰。向之聲不一聲者。水哉水哉。余曰。狀乃記之。

增牟珠洞詩

洞內盛仙佛。瑤幢瓔珞垂華鬘。洞外森樹木。頻伽婆羅翔紫竹。落花滿地證般若。流水空山悟真如。來游兮。鐘鐘鼓鼓。仙佛額手紛告予。緊我方外之人兮。宜巖居。何事人閒金碧精吾廬。

鮎魚洞

洞在玉屏大江右。石壁百丈。中凹一洞。碧水珠迸。大如筥簾。產鮎魚焉。或曰。洞中一石。垂爲鮎形。故名也。案說文。鮎。鯉也。尔正釋魚注。鮎。別名鯉。江東呼爲鮎。昔陳蔡之厄。作祟。目弄季路搏者。卽此物也。夫鮎之爲言黏滑也。鮎魚似之。鮎兩目上陳。方頭腹重。墜若囊身。微紫色。無鱗。一名人魚。其脂肪之不消耗。秦始皇常目其膏爲燭。又似鯢。鯢。偃額大首。長尾四足。一名孩兒魚。生谿澗。能上樹。含水上葉覆身。鳥來飲水。輒取之。王會篇。穢人弄兒。卽鯢也。尔正。鯢大者謂之鰕也。知鮎鯢之狀。鮎形如繪。毛傳說文。目鮎爲鮎。目鰕爲鮎。殊關於訓稽矣。周益公記宜興洞。有四足鮎。宋乾道六年。行都北關有鮎魚。色黑。腹下出人。手於兩旁。各具五指。則鮎妖也。玉屏城西二十五里。又有鮎魚洞。產鮎肥美。

諸葛洞

偏橋北五十里許。有諸葛洞。一名壘蓬洞。武侯征南蠻經歷處也。洞中有怪物。狀如水象。違時曾出爲祟。地執緊湊。夾岸飛巖。望似染黛。上下距縣五六丈。巨石臨危。若墜復倚。濤涌波襄。瘦蛟跳舞。渾浩巽怒。響振積坻。潛流沈起。迄於下口。雖雞翹洪之險。亡日險也。舟至此遂止。冬月水執稍緩。多人捧曳。可至偏橋。其上雜樹交蔭。罕見曦景。立泉飛流。千丈似布。湍激之音。奇爲壯猛。曉禽莫獸。哀鳴相和。亦饒堊花。丹葩綴谷。若紅雲秀。天灘熒飾巖。若銀燭眩目。觀者思難周賞。情乏圖狀矣。壬戌四月。余自貴筑返屏。出中至施乘。汜舟經此。因涔醜水漲。白波如山。爾日又值大雨。鴻流尾輪。環濤殺轉。桀石橫互。江中碇礮似屋。一葉輕舟。時時觸之。霆砮鱗盪。日驚星覆。恍天吳爲之呬歛。奇相爲之颺躡也。然延闕飛湍。魄未之駭。後爲友人言之。輒咋舌去。

響琴峽

平越酉陽驛之東十里。攢峯刺漢。古樹蟠蚪。斷壁中分。削如斧削。而碧流飛注。激電轟雷。其聲泠泠。狀清越目。長非箏谷之金絲。異篴浦之楊柳也。吉林德觀察隆榜石曰。響琴峽。蓋得其似矣。余系之曰詩。雪浪琮瑋響玉琴。空山寂莫誰求音。倏來風雨羣靈會。寫出成連海上心。

相見坡

吾鄉隴東之六盤山。森壁軼雲。竦巖造漢。寥籠虛岫。塞莪積岨。路若絕而復通。石將積而更綴。所謂宵窺

而曲。崩施其高者。歲甲寅。經此。下車山麓。挽衣荷筴而上。後人見。前人履底。前人見後人之頂。如畫累重人矣。延緣拗折。瞻明至禺中。乃躋絕巔。俯視人馬如蟻。行者憇者遠近透迤。陣演率然矣。復盤折而下。石磴苔滑。樹杪雲橫。深壑小語。高峯如鷹。風息畏佳。峻逾邾邾。然籐交筆秀。澗響泉飛。瀏覽忘劬。今至相見坡。靡迤陂陀。下屬深澗。巔崦嶮嶮。上虧日月。極天之阻。實在於斯。是日行者望風謝路。而異嶺共雲。別峯同雨。恍如盤山之在我前。田山蓋云。陟首坡則尾坡見。陟尾坡回矚則首坡見。立中坡而望則首尾俱見。起伏偃仰。石垂烟接。方沈澗心。突凌峯頂。行者此目手招。彼目口呼。送巖答於咫尺。而不知三十里之遙也。形容可謂逼肖矣。余也有客兒之豪情。江山助興。無柳州之嘉藻。林澗貽羞。聊綴長歌。目常游記。

上坡面在山。下坡山在面。相見令人愁。不如不相見。昔誦吳江施武詩。令我胸頗心滋疑。今年奉檄羅施國。陟坡正值芳春時。春雨霏霏泥滑滑。與夫邪許肩爲疲。一步一顧上高嶺。遙遙樹杪人團影。須臾不見循幽坑。呼聲宛如在深井。斜飛瀑布巖坐簾。亂綴雜花堊照燹。批頰側翼桂之樹。清緩舒嘯河之塵。黃犢哀鳴鷓鴣叫。下與四望風颼颼。葛藤鉤衣足欲蹶。拍手嬉笑來蠻兒。椎頭鑲耳語齶齶。似說前面箐林高。我曾攀絙上仙掌。涉此九牛之一毛。裹攜白雲空眼界。碧雞金馬嗤王褒。下視行人相勞苦。肩瘡蹠血多。商賈青箬圓。襄夔州鹽。黑苗斜插谿子弩。颯颯楓林吼虓虎。山王祠前煙一縷。

附七律一首

九折千盤相見坡。猥家茅屋結山阿。誰其云者飛黃鶴。若有人兮帶女羅。卮酒柔情玉練語。蠻童拍手烏

鹽歌商訛苗言故搖笑愁羸角鳥路斜陽自古多。

聖泉

寰宇源泉何啻億選而効靈廣堪者殆難更僕數。目予稽職方所載奇詭尤著者如滄州之澄綠泉。泛金石不沈也。允街之泉水交旋如盤龍攪之亦成龍狀也。廣陽之妒女泉婦人炫服靚粧必與雨霑也。霍山廟之泉鼓動則流聲絕則竭也。江乘之湯泉半冷半溫共出一壑也多喜山之雄雌泉春夏左盈右竭秋冬右竭左盈也。安豐之咄泉大叫則大涌小叫則小涌咄之則涌益甚也是皆別具橐籥壯坤輿之觀不。僅飲石上寒暖娛雲邊。莖客已也。而要目黔之聖泉可驗潮汐爲尤足異。夫漳浦蠟潮侯官潮泉鐘山應潮連州潮泉。向亦消息有時矣。然彼則地瀕海隅緣海爲潮汐而於泉無與。又若嬌亭石穴池陽湖泉章貢三潮安寧海眼連州掛溪樂平鳳游荆門蒙泉郴州潮泉青城潮泉龍場驛潮井去海負絕似與此泉爲伍。第彼之潮候僅再至三至亦未有百盈百竭不爽晝夜如此泉者。王韶之始興記云貴州有漏洩一日百盈百涸應漏刻殆指此也。余曾再履其地見一泓自石罅迸出噴若玉竇泄爲瑤池淨若醍醐瑩成琉璃。試目錢置石上卽潮涌而與錢齊不湮不淺則信乎此泉之得擅聖名也。宜其橫竹引之調符取之。目獨痼滌塵珍於玉酒瓊漿可也。奈人之飲狂掬貪或且漱盜而去此若澆者亦獨何哉。

附楊慎聖泉詩

龍圖天生水。羲畫山出泉。睠茲磅礴流。肇自混沌年。盈涸在頃刻。消息同坤乾。塵刹變潮汐。億垓無質遷。

帝臺盎漿下。神漢壺嶺巔。冰雪姑射質。風露綽約仙。寶雲騰滃滃。泓月涵涓涓。鰓須穿皎鏡。蟹眼瞭淪漣。
岷觴衍游聖。坳舟喻思辛。迷蹤鬼方霧。蘊真羅甸烟。詎逢陸羽品。那遇桑欽傳。名公紆勝引。嘉招陶芳筵。
折簡開蒼蔚。飛觥延霽天。玉珂鳴重轡。金艾明華田。碧潏灑柔翰。翠微鑿洞絃。臨淵稱混混。倚谷望潏潏。
麗闔磬鼓動。回谿蕢燭狀。荒塗欣長會。興言遂成篇。

續黔書卷之五

多雨

史記正義引太康地記云。河北得水爲河。塞外得水爲海。自小而大之也。楊用脩云。黔人謂雨爲清露。自多而少之也。余辛卯之嘉平月。入黔境。卽霪霖。自玉屏至貴陽。凡十程。僅得一日晴。故有漏天之號。山海經曰。應龍已殺蚩尤。又殺夸父。乃去南方處之。故南方多雨。郭氏注。龍水物。目類相感。余竊謂牂柯分野。上當天井。是多雨潦。非必如隕歎之所云也。

拊愁霖賦

蘇利回。駿焦明。舞翅蜡爾。雲垂孖流。霧織苦雨。連旬陽烏。引避人不堪。憂天何徑醉。中庭桴渡。炊窳煙蠹。昔耶上壁。魁遇翔階。百塵泥滑。千井蠶排。門無繫馬。戶絕吟鞋。茹愁獨臥。散漫傷懷。若夫關山。縣互久理。征鞭雞聲。店裏人影。橋邊寒飈。震蕩怪鳥。盤鸞衣沾骨冷。髮沐涕縣。沈陰斷地。積水連天。長塗踟躕。故國茫然。別有儒生。御旅詞客。郵亭短垣。傾圮敗瓦。飄零囊無長物。案有餘螢。檢書泣鶴。讀曲淋鈴。草元寂寂。梧坐冥冥。裹糲無友。飽德自馨。於是石泐花盡。林於葉結。澗浴青豨。浪浮赤鼈。鳩婦不來。桐魚宜截。后土難乾。屏号尙泄。假蓋誰憐。墊巾可折。三日佳晴。諺云。天無三日晴也。云胡不悅。爲之歎曰。銅鼓山崩。男甕蓬水。漩濃八番秧。苗爛六額蠟。幫飄牛肩。拭泥血龜鼻。解銅環。冰箒從此去。爲我洗愁顏。借得穆王笛。吹徹此荒蠻。

歧舌

呂氏春秋功名篇云。反舌。殊俗之國。高誘注。一說南方有反舌國。舌本在前。末倒向喉。其語與中國語相反。因謂之反舌。淮南子墜形訓云。東南有反舌民。高誘注。語不可知。而自相曉。海內南經有歧舌國。藝文類聚引作反舌國。其人反舌。辛覽云。軒渠之國。其人四舌。而三腫。通考謂之三重國。拾遺記云。因得之國。人舌尖處倒向喉內。亦曰兩舌重脊。金筑。苗狝之巢穴。余代庖之日。苗有訴牒者。令伸舌視之。宛如王子年所說。蓋舌主心。苗火旺。於己巳爲蛇。故蛇歧舌。南方歧舌之民。其亦火旺之象也。

醫方刻石

宋陳堯叟爲廣南西路轉運使。嶺南風俗。病者必禱神。不服藥。堯叟有集驗方百本。刻石貴州驛舍。地方賴之。余壬戌至黔。遇道旁殘碣。必剔蘚尋之。無有也。大抵年代塵邈。非風雨剝蝕。卽沈鐘蔓草。否則爲牧童敲火。牛礪角。目致毀湮耳。

石刻

修文縣二里龍岡山。鐫陽明玩易窩五字。洞口鐫陽明小洞四字。王文成貶竅時講學之地也。都勻城北有石壁。鐫仁智之情。動靜之理。棲此盤谷。飲此泉水十六字。張鶴樓遺戍是邦。誅茅讀書。題此目自慰也。黔西州北六十里。有方石。厚闊各尺許。長二尺。默擡卽起。語則多人不能動。上鐫天合二字。都指揮馬擘之遺跡也。貴陽東山翠巘。崔嵬琳宮。縹緲。鐫君山讀書處五字。郡人楊大賓習業之所也。安平之噴珠泉。

鼓掌喧嘩。珠璣迸出。鑄喜客泉三字。參政焦希程之所題也。永從之石芝洞。鑄石芝洞天四字。副使徐九皋之所題也。又皮林洞有皮林山。一名過化山。參將鄧子龍題過化二字。寨民相傳歲月石灰填之。否則多病目也。龍里縣南之雷雲洞。奇石怪壁。巡撫郭子章題之曰雕雲也。餘慶有古洞。白雲封洞口。則兩立。至邑令韓任甫題之曰慈雲也。龍泉北三里岩上刻天河洗甲四字。劉綏平播凱旋經此勒岩也。麻哈江之橋。葛鏡建。屢爲水沒。三建乃成。糜金巨萬。總督張鶴鳴。鑄碑題葛鏡橋三字也。安南縣文廟旁有石。方廣數丈。總兵鄧子龍鑄欲飛二大字於上。畫寬尺許也。又縣南雅關下有飲馬泉。傳漢將軍關索至此。人馬渴甚。泉忽湧出成池。參政林喬勒碑池左。曰甘泉聖跡也。國朝總督蔡毓榮。桐梓之葫蘆洞。清幽深遠。石狀龍蟠。邑令萬侯建額曰天外賞。大學士王應熊有北巖三字。俱鑄於洞口也。永寧之觀音洞。有白石如炮。鑄神龜玉液四字也。天柱之千佛鐘鼓洞。微霧濛濛。清流潄潄。邑令朱梓題石曰天下第一奇洞也。婺川之蟠龍洞。壁鑄蟠龍化雨四字也。銅仁之東山。突兀奇峭。俯瞰大江。絕壁鑄雲彩江聲四大字也。都勻之夢遇山。有碑鑄仙人張三丰觀瀾處八字也。平越城西五里崑。上有張三丰遺影。郭子章於高處鑄神雷宇宙四字也。遵義城北三十里石壁上鑄十二字云。山齒齒。水瀾瀾。白飛霞。曾到此也。凡此石未駁落。字畫可辨。皆明人之遺跡也。至遵義之白縣堡。鑄石曰。如能順從。則世享福壽。宋忠烈公楊燦目十訓刻石示子者也。龍泉縣東五十里。有山高數十丈。上刻仙羊巖三字。相傳唐人之書也。又夜郎崑刻夜郎古句四字。相傳李白經此所題也。若鎮遠之香爐巖。畔刻泝流光三字。相傳爲漢忠武侯所題。疑未能

信也。又永寧之雷節洞。石乳凝結。上有字如蝌蚪。不能識也。永從之碑。摸崑高數十丈。上有仙書紅字。又仙崑數處。皆有大篆。嘉靖時酉陽司來侵地。募人鏟去也。畢節城北一百二十里。有碑。相傳武侯所立。文漫漶不可讀也。此皆余足跡所至。耳目所親記。考之於地里。參之目聞說。信而有徵者也。其他奇巖峭壁。幽崖邃洞。或有祕響異蹤。余恨無鐵車。未之到也。狀書不能擬。岳碑。文不能比。嶧山。猶筆之赫蹏。不忍棄者。志余黔中之所得。僅此也。

俗字

黔南各郡民苗訟牒中多俗字。亦有字書所載而音迥不類者。詢之。亦有解。如爹讀為下。言措勒不與也。穿讀為擺。言行止動搖也。嬰讀為戀。言婦女善淫也。又奘讀為紐。言目蟲置火上狀紐動也。集韻。嬰。達。入。火。鳩。讀。為。刁。言。人。形。短。矮。也。同。說。文。為。依。人。小。鳥。也。卦。讀。為。結。言。明。晦。之。斜。側。者。也。南。子。說。林。訓。土。勝。水。非。一。卦。塞。江。又。普。木。切。音。支。義。亦。同。孛。讀。為。鴉。言。水。之。分。流。者。也。有。孛。江。車。溶。雨。水。將。合。處。形。如。八。字。有。祭。焉。亦。名。曰。八。孛。

川字

黔之人呼牛馬之竅為春。余莫知其解。或又曰穿。思之知當為川。始信土俗方言。果符訓詁之指歸也。案山海北山經。倫山有獸。狀如麋。其川在尾上。其名曰熊九。郭注云。川。竅也。而姚旅露書引山海經。川作穿。蓋穿可訓川。故釋名曰。川。穿也。顏師古漢書李尋傳注云。川者。水貫穿而流通也。裴氏廣州記云。南海龍川縣。本博羅縣之東海。有龍穿地而出。即穴流東泉。因目為号。是川之訓穿。傳記多有之。又伯樂相馬經。

有馬白州亦當是川字。畢中丞沅山海經校本疑川當爲州。蓋据余正之白州驢不知郭氏彼注亦曰爲竅則州爲後人譌寫無疑也。張揖廣雅亦云川譬也可證。

釐字

黔之人儕輩相呼其偶不往赴則啖曰釐質問之則釐者不來也。案古釐字本有來音。劉向引詩來牟作釐。釐。郭顯卿字指釐字从釐。徐仙民讀與來同。鄭康成儀禮注曰。狸之言不來也。徐廣云。狸一名不來。天子設狸侯所以射諸侯之不來者。取此意也。是黔人之言不來爲釐。獨狸名不來爲反切之音。如并夾爲籥。終葵爲椎。郝婁爲鄒。勃鞞爲披。舉矩爲莒。勃蘇爲肯。壽夢爲窆。舌職爲殖。顯孫爲申。蒺藜爲茨。茅蒐爲鞮。扶胥爲輔。於菟爲虎。不韋爲筆。軒轅爲韓。俠累爲傀。瓠盧爲壺。鞠躬爲芎。丁寧爲鉦。僻倪爲陴。和同爲降。句瀆爲穀。明旌爲銘。大祭爲禘。蠶蕪爲須。于居爲邾。窓籠爲聰。蠃螽爲鳩。瘕蠱爲疾。蔽膝爲鞞。側理爲紙。扶洪爲濼。狻猊爲獅。不可爲叵。奈何爲那。何莫爲盍者。與爲諸之焉。爲旃。徒格爲斥。如是爲爾之類。皆目雙聲合爲一字。其學起於涿郡高誘。其注呂氏春秋淮南子。往往詳其音讀。而韋宏嗣注國語亦有音切。今人相承目爲始樂安孫叔然者。誤也。

生六男

癸亥二月。余在會城。一日晨集公廡。同僚有言黔西某里王氏一胎震六男者。子母皆無恙。或曰爲駭。余曰。此固黔之已事也。昔陸終氏娶鬼方女嬭。音劇。人表作女嬭。故集韻音。演。大戴作女嬭。一作女嬭。誤。久孕不育。啓左脇。三人出焉。啓

右脇三人出焉。譙周輩。成目爲誕。目今況古。知記注者不妄也。而又何怪焉。曾聞莽朝。遊義天旺。落六寨。士女酥卽孳產。化牡而獸尾。衆目爲女與畜交。故有此。三度關守者白之。總督馮岳。將訊之。岳曰。蠻族本穴居巢臥。人獸相雜。卽此盤瓠馬人之故習也。遂令壞所產而置女不問。

化虎

括地志。越徑之人。老者化爲虎。博物志。江陵之羆^{一作}人能化虎。好著葛衣。天中記。雲南蠻人呼虎爲羅。羅人老則化虎。有羅藏山。今黔之夷俗。亦善變虎。王漁洋記定番土司事。非妄也。土人言此事多有。其子孫入山。頗識之。虎亦數逞其家。巡視余竊怪焉。夫齊姜化螟蟥而吟。帝嬪化蒼草而媚。宓女填海爲精衛。嫦娥奔月爲蟾蜍。是皆幽思煩冤。鬱遏莫發。化爲異物。憤憤鳴情。若伯熙之爲黃能。如意之爲蒼狗。黃母之爲大龜。杜宇之爲鶯周。仲明之爲王鮪。殆又所謂強魂鼓圍。淪化倣誕者矣。乃孟食裳襲而忽斑其皮。鋸其牙。虡其聲。是漆齒鑲耳之倫。皆牛哀與李耳也。鬢首渠股之類。咸左飛與封雍^{一作}也。不必見蛇。始目爲杜預。不必見蟹。始目爲彭越。人之化也。小大無優劣。善惡無常體。書佐鈴下。且見之爻象矣。儻淮南子所謂志與心變。神與形化者矣。蓋猶是廩君務相之餘風也。或曰。蠻人有術。能使人化爲虎。受此法者。目三尺布巾。數升米糲。一赤雄雞。一斗酒。又聞夸能爲變鬼法。或男子。或婦人。變形作羊豕驢馬之屬。齧人至死。吮其血咽之。土官重其法。禁不能止。或捕得輒生瘞之。名曰鬼方。良目是夫。

呪尸爲魚

西南國風土記云。邪術有卜思鬼者。婦人習之。夜化爲貓犬。遇病者攝其肉。唾水中。化爲魚鰕。取而貨之。今黔南諸苗。能目術。呪尸爲魚而食之。亦此術也。又有苗手持蛇啗之。采樵歸。捕蛇滿籠中。蛇亦不能去。儻卽西京賦所謂水人弄蛇者與。聞雲南迤西南牙人婦人怪者。或化異物。富家化牛馬。貧家化猫狗。至夜伺夫寐。目短木置夫懷中。夫不能覺。卽化去。攝魂魄至死。食其肉。有守者逐得。則夫家亟出金往贖。否則殺之。又猛密人工幻術。能易人心腎手足致死。卽牛馬亦然。

石棺

玉屏縣志云。玉屏城西北。隆萬開欽天監奏其地當產草寇。遣使七晝夜猝至掘之。石棺蓋半啓。其人一手握髮。一足踏棺。執將躍出。急目銅釘釘之。乃斃。聞初葬時係木棺也。此與汪喬年發闖賊祖墓內有金蛇鐵鐙事相類。余考唐中和三年六月三日。太白山人謁金州刺史檢校尙書左僕射兼御史大夫崔堯封曰。本州直北牛山。旁有黃巢谷金桶水。今大寇之帥黃巢盜據上京。近已六年。又僞國大齊号金統。慮王氣必在此山。伏請奏聞蜀京。發卒破掘。則渠賊將敗。堯封遂與州官點諸縣丁男萬掘之。月餘。山後崖崩數丈。有一石桶。桶深三尺。中有一黃腰獸。旁置鹿盧劍長三尺。黃腰見之。呦然數聲。自撲而死。堯封奏聞。至秋黃巢果衰。中原剋平。此又與宋永嘉末吳猛殺建昌巨蛇而蜀賊杜弼即滅事相同也。嗟乎。古今來巨慙大猾。皆山川之鑿氣鍾之。安得迅雷宣威。巨鑿鼓斧。摧深山之虎豹。殲大澤之龍蛇。目免斯民於塗炭哉。

人疴

龍里縣東門內短垣數堵。筆門前斜立一人。年約四十餘。衣甚須捷。面頰而容有蹙。左目修翹。右目內有因釘挺出。長幾三寸。粗如小兒臂。充滿眼眶。有橫痕略似粟目形。而肉色殷紅。余於壬戌十月初四日過。見之。爾時細雨溼溼。其人負瘡猶張目而睨眎也。噫。異哉。儻卽所謂人疴者與。

風鬼

十洲記風生獸。似豹青色。狀如狸。在南海大林中。張網得之。燒之不死。斫之不入。鐵錐鍛其頭數千乃死。張其口向風。須臾仍活。以石上菖蒲塞其鼻。卽死。又謂風生獸喜食蜘蛛。啖薰陸。以腦和菊花服至十斤。可長生。常持一杖。指飛走則不能去。人得之指物。所欲如意。診諸管說。卽廣州記之平猴。嶺南志之風母。抱朴子之狷掘。虞衡志之風狸也。又禽經風翔則風注云。風爲類。越人謂之風伯。淮南子羿繳大風於青邱之野。許慎注。大風。鶖鳥也。異物志云。蟹之腹有風蟲。狀如木鼈子而小。色白。食之發風毒。是風獸。風鳥。風蟲。皆有之矣。未聞有風鬼者。陸次雲洞谿織志云。風鬼出黔中。無形無影。目旋風攝人爲害。余至黔輒以此問人。咸云無有。不知是次雲謬言。抑管有而今無也。

鐘鬪

平越城南有高真觀。觀旁有洞。幽邃莫測。內有物若牛。時出見之。相傳明正德間。忽一夜洞外雷吼。僧驚恐起。鐘失。鐘所在。有頃。聞鐘一路負聲而來。韻震林木。詰朝眠之。凡鑿銑上下。甬紐左右。悉黏水草。乃

寤疇昔之夜鐘與牛鬪也。後覺之乃止。大凡物歷年久遠。能爲神怪。水西之金雞。曉月。查城之石虎。噉人。石龍。騰甲而鼓吹。聳亦在桑木被斧而雷震。至在綏陽城西橋水中。悉有證驗。非同倣誕矣。

馬化石

貴定城南四十里。有白馬山。上有古池。深不可測。人迹罕至。至則風雨晦冥。相傳有白馬見於山下。一黃冠。呪之。馬上山化爲石云。案水經注。蜻蛉縣有石豬。子母數千頭。傳言夷昔牧豬於此。一朝豬化爲石。後人遂不敢牧。然未聞有異人之迹也。玆黃冠者。毋亦饒初平叱石爲羊之術與。大抵神仙好遊戲。嚼飯成蜂也。飛履化鳧也。擲杖爲龍也。水喫紙驢。肩牽茅狗也。向井呼錢。於盤唾獺也。彈橘裏之棋。渡江中之扇也。是乃麻姑所謂狡獪變化也。

雷擊六人

考京房易傳云。雷電殺人。何雷天拒難折衝之臣也。君承用節度。則雷以節暴人。威福則雷電殺人。是則謝仙行火。巨楔走精。蒼旻之賞罰。所以補刑戮之所不及也。癸亥六月。余謝病閒居。貴筑有自玉屏來者。言月之初七。值趁虛日。鄉城懋易者。咸集南明樓下。時天晴霽。無雲。忽迅雷大震。雷火自樓隙穿下。市人咸驚懼。霎時煙散。見六人仆地。竅血而死。樓柱失半。其旁買菜傭。誤殛旋蘇焉。稽神錄。雷誤震死者。後廉實其四人。常沃米。目水。驛糝糠。售之。其二人則習用銅鐵白錫。諸假銀以誑人者。嗟乎。博陵血練。無雲而殛。叔卿刻胸。其警卒斃。展穹隱匿。死詎能寬。武乙競橫。生未可追。在其人方謂碧翁之曠曠。而天卒殛之。

使不得售其術以有其身。然則世之倂張爲幻，倖王法之所不能及者，雖復服藥啓而佩嘉榮，食正過而挾半石，亦難免於辟歷之磴，其亦可以怵心矣。

續黔書卷之六

官鑄

黔中錢局二。設於貴陽大定。局事卽以知府領之。采辦滇銅。鼓鑄搭放兵餉。余初至黔。見市錢猶因好完具。厥後省局私鑄小錢。不可用。余上書署藩臺董觀橋前輩言之。其略曰。國家嚴私鑄之律者。所以防奸民也。今不聞奸民之盜磨取鎔。另起鑪竈。而峨峨守牧。行固駟僮。顯犯王章之所不赦。市廛之中。充然堆積者。無翰郭無佞易。一千之貫。不滿五寸。比於鵝眼。縱環同其薄劣。入水不沈。隨手破裂。斗米萬錢。指貨千錢。小民日用。難權子母。藏之不可爲泉。行之不可爲布。甚非所以愛養閭閻。通惠商旅也。昔高恭有言。私鑄薄濫。有司糾繩。絀網非一。以爲旣示之以深利。又隨之以重刑。尙非政體。矧殺雜爲巧。以期得贏。而逞邪奸者。卽官司也。彼小民亦旣聞之矣。而憲臺曾莫之問。以爲不知乎。則職居廉訪之謂何。以爲知之乎。知而不克糾。則人不疑錢之不通神。不可得矣。云云。旋司局某告病。坐擁巨萬。將入都爲費郎也。

鹽

鹽曰鹹鹺。伊昔官立司鹽。縣設海鹽。其爲利博。而用亦宏矣。自然印成者石鹽也。溇淖未涑者鹽鹽也。其曰鹹者南裔鹽也。其呼鹺者蜀鹽也。其稱餘者越鹽也。其謂鹺者河內鹽也。其名齏齏者戎鹽也。其目渠展者齊鹽也。最下則并州之末鹽刮鹽也。其他爲白爲烏爲紫爲黃爲黑爲紅爲綠之異其色。爲苦爲飴

爲散爲形爲寒石之別其味爲卵爲印爲乳爲駁爲虎爲鳧爲巨枕作桃者誤爲水晶爲緞子爲馬齒之殊其狀正復繁賾難紀。羹而調之。盃而蘇之。自不患其齷齪。是以鹽有澤。于閩匯之。鹽有池。猗氏販之。鹽有山。夔峽掘之。鹽有井。九龍食之。黔介滇蜀之中。獨不產鹽。惟印給於蜀。來遠而價昂。洗金之物。與金爭價。黔之民有不如西域之駝。桂平之牛者矣。儻卽伯益之經。所紀無鹽之國。與常璩南中志。沮本有鹽井。漢末郡。卽建寧。牂牁。平。且。三。無鹽也。案沮卽且。且卽三。郡。卽建寧。牂牁。平。且。三。夫鹽之生也不擇地。或出於鹵。或出於井。或出於崖。或出於石。或出於木。或出於泉。或出於草。黔水蹶涔耳。自不能熬波出素。而邃洞幽崖。深林密箐。固所饒也。倘司事者精求牢盆之術。廣募亭戶。濬掘天藏。而與民同味。將地不愛寶。靈慶志瑞。醜之。看將溫給。則蚩尤之血。可漬於蠻鄉。而蛤蜊之波。可流於蜚洞。彼夙沙瞿子。豈得獨擅煮海之功哉。

茶

黔之龍里東苗坡。及貴定翁粟沖。五柯樹。擺耳。諸處產茶。而出婺川者名高樹茶。蠻夷司鸚鵡谿出者名晏茶。色味頗佳。近俱不產。大吏歲以爲問。有司咸買他茶代餽之。論曰。茶之名。見於神農食經。毛詩爾雅。飲於漢魏。盛於唐宋。至今而錄而譜而經。人人皆陸羽矣。嗜之者以爲粹滯消壅。厭之者以爲瘠氣耗精。二者各執其說。是猶邾莒小國。不肯降心於齊魯大邦也。雖然。金蓄珠蘂。玉濤素塵。香含雪尺。秀起雷車。采之擷之。收英斂華。爲酪蒼頭。代酒從事。固足以滌煩清暑。而不知鬪葢成俗。虛糜泉刀。而非徒斛痕增熱。侵肌爲害已也。比見近歲上下競吸清欲霜華。甘思露液。乳煎

碧玉雪翻銀絲。鼎鑊或煩於嬌女。旗槍至誤夫老兵。堦翁至翳桑之報。神仙所甌犧之餘。似檜雨松風。醜
翻遜味。窮春秋。覽河圖。不如載茗一車也。而鄉鄙摩厲之夫。尤致羨於寶文初慈。穆陀墜葉。往往賤售新
穀。問西園之價。希北苑之珍。廣術曲閨。茶肆櫛比。飲者肩摩足憂。听夕不絕。何異海上逐臭。里中效顰乎。
而商旅懋遷。經山川之險。博錙銖之利。每以絲絹相易。不知涑水雕文之難。以爲蘇蘭薪桂之娛。歲費百
萬。仙靈莫通。苦口爲師。療饑無術。是以有用之物。而易無用之物也。考金史。泰和五年。光元二年。尙書省
臣並奏禁之。自七品官以上。方許食茶。不得賣及餽獻。亦裕財足食之政也。今之畱心民事者。尙可踵而
行之乎。

女酒

黔之苗育女。數歲時。必大釀酒。既漉。候寒月。陂池水竭。以泥密封罌瓶。瘞於陂中。至春漲水滿。亦復不發。
俟女于歸日。因浚陂取之。以供賓客。味甘美。不可常得。謂之女酒。又有審酒。色紅碧可愛。余初至黔。飲之。
經日頭熱涔涔。後畏之如雲白鈎吻。問諸人。言此酒用胡蔓草汁漉也。周禮序官女酒三千

革器

案蒼頡七章。有鞞。藝一篇。言治皮之事。今其書簡已逸。韋人職闕。不復見古人察革之道矣。乃瀆逐鬼方。
竟擅絕技。不知者疑以爲鬼工。言不能及也。有問於精手者。則告之曰。凡革鍛不熟。則易巖。治不約。則易
斷。不盡之水。摩其鼓膜。則無以鞞澤。不炙之火。舒其鞞粟。則無以鞞張。不礪以石。則文理無由細。不審

以土則鑽孔無由堅。燼反是而攻焉。而後削之。髹之。績畫之。厥爲鷓鴣。夸焉。可以注蘭生。厥爲螭盃焉。可以稽嘉味。以之爲棋局。雖無雞腔之清韻。而滑膩足珍。以之爲馬鞞。雖無錦障之光華。而柔韌足翫。以及爲盃。爲壺。爲卮。舟。爲鈿盒。皆積緻可尙。不必鑄縣黎而鑄麟趾。不必雕沈檀而燒宣窯。列於市廛。黑如純漆。赤如鷄冠。黃如蒸棗。又或縹綠葱青。嫣紅油碧。羊之肝。鵝之血。蝶之粉。鹿蜀之五采。粲然滿目。雖邊鸞花鳥。崔蚓蟲魚。不是過矣。作鷹者膠穀楮爲之。飾以漆。敷以采。光澤華麗。猶夫革也。觸之浸之。不月而潰退矣。嘗者不察。擲青蚨與朱提。是殆以皮相也。

洞錦

錦之以花木名者。芙蓉也。蒲桃也。牡丹也。葵花也。蕤荷也。櫻桃也。茱萸也。林檎也。芝草也。阜木也。以鳥獸名者。對鳳也。翔鸞也。翽鴻也。仙鶴也。孔雀也。鴛鴦也。飛燕也。麒麟也。金雕也。天馬也。辟邪也。獅團也。象眼也。走龍也。蛟文也。龜背也。虎頭也。以器物名者。樓閣也。擗蒲也。綬帶也。銀鉤也。盤毬也。篋紋也。魚油也。博山也。連璧也。雜珠也。答暈也。方勝也。閣婆也。皆所謂愬五色而極思。藉羅紈以發想者矣。黎平之曹滴司出洞錦。以五色絨爲之。亦有花木禽獸各樣。精者甲他郡。凍之水不敗。漬之油不溢。是夜郎苗婦之手。可與堯時海人爭妙也。又有諸葛洞錦。出古州。皆紅黃縣紗所織。甚麤。不可用。

鐵笛布

永寧鎮寧二州出鐵笛布。其纖美似蜀之黃潤。其精緻似吳之白越。其柔輒似波戈之香荃。其縝密似金

齒之縹疊。余不知其何以織也。或謂卽桐華布。績白桐爲之。或又謂緝桑爲之。如嶺南容州之用句芒木。新會之用鉤綠藤。高昌之用婆羅樹。惜未問之獐獠。又有紋布。可爲巾。定番苗婦所織。潔白如雪。拭水不濡。用彌年不漬垢膩。又有斜文布。名順水斑。蓋模取銅鼓文以蠟刻板印布者。出獨山州爛土司。

金星硯

孔方平硯銘云。穀理綺文。金星玉質。以言墨海尙潤也。思州之架谿潭產石。有金銀點者。可琢爲硯。唐秀才源以一枚饋石色旣未匹垂露。匠工復未能割雲。以之殺青草。易於損豪。雖注以婺川香墨之水。恐不能班采散色。漚潤蕩翰也。嗟乎。石墨相著而黑。紙筆圖臨爲章。邪心讒言。無得污白。旨哉是論。惟磨不磷。涅不銛。屹然雅操之君子。方露圭角。非估估較評郎官樣。鴿眼者所知也。

苗刀

苗人製刀。必經數十鍛。故銛銳無比。其試刀嘗於路傍伺水牛過。一揮牛首落地。其牛尙行十許步纔仆。蓋犀利之極。牛猝未覺也。爲之贊曰。劍能斬馬。鏃工殪虎。遞水蠻刀。刺牛委土。攜不畱手。猶然步武。切玉昆吾。臚布析縷。驕然銛鋒。無缺容柔。萬辟千瀆。試可匪貯。

神黃豆

神黃豆。產黔之荔波。形如槐角子。昧常豆稍巨。服之可永除小兒痘毒。服法以每月初二十六爲期。半歲每服半粒。一歲每服一粒。一歲半每服一粒半。遞加至三歲。則終身不出痘矣。或曰案二十四氣服之。以

二十四粒爲度。先用筍瓦火焙。去其黑壳。碾作細末。白水下之。

鮮答

壬戌四月。余自貴筑返屏。宿偏橋之黃絲驛。逆旅主人馬受暑死。腹孕肉囊。剖眎。有物狀如雞子。色白。椎之甚堅。非骨非石。層疊周裹。多至升許。不知爲何。僕人以示余。余案本草有鮮答。生牛馬諸畜肝膽。此宜是矣。西域蒙古祈雨。以鮮答石浸水中咒之。輒有驗。其人亦名鮮答氣。鮮答在畜腎尤良。形如鷄武嘴者爲最。重大可如拳。或黃或白。生剖得者爲靈物。或言能治奇疾難名者。是又不止祈雨也。又聞牛有黃在膽。黃一名丑寶。馬有墨在腎。狗有寶在肺。鹿有瑤在首。羊有貳石在腹。驢有媚在口。

燕麥

余正薈雀麥。郭注雀麥。卽燕麥。有毛。案卽穆天子傳之莖麥。內經之迦師。郭義恭廣志之析草。孟康漢書注之斯禾。張華博物志之薈草也。楊升菴以江淮所進之烏味草當之。繆矣。羅鬼國禾米亦佳。土人以燕麥爲正糧。燕麥狀如麥。外皆糠糲。內有芥子一粒。色黃可食。羣苗以此爲麩。每人製一羊皮袋。盛數升。塗饑。輒就山澗調食。謂之香麩。其地賴此甚多。古語曰。兔絲燕麥。徒有其名。殊未然也。博物志謂人食燕麥。骨節斷解者亦妄。

羊肚菌

余正中馱菌。郭璞云。江東名土菌曰馱廚。孫炎云。地蕈亦曰地雞。又有獐頭、獐眼、雞塢、松蛾、桑鷄、楮雞、榆

肉等類。皆桶香而可食。黔之深箐邃洞。人跡罕至。往往爲苗獠所踞。采食山毛。古樹內多生羊肚大菌。潔白如雪。重或一二斤。食之。雖元都綺蔥。碧海琅菜。千品甘露之饌。百花珍藥之菓。不是過也。余代庖古城日。苗人曾獻之。又有木蓋實如胡椒。味辛可佐食。

降真香

名香多出古木。若鷓鴣斑生於木坎。迦南生於黑木。艾納生於栝松。奇藍一作男生於榕樹。安息生於辟邪樹。膽八生於木屋。篤耨生於真臘之杉木。金顏打魔迷迭薰陸返生之皆爲樹脂。又如蜜沈棧雞骨黃熟雞舌馬躑青桂八香。同出於一樹。黔之貴陽府境出降真香。燒之可感引鶴降。醮星辰宜焚之。凡宅舍怪異。疫癘刀傷。燒之立驗。小兒尤宜帶之。蓋此香在深林密箐。縣巖之古藤上。人跡不到。霜霰雪虐。經歷歲月。肉皮俱爛。赤心如鐵。故其香勁而遠也。以生於藤。又名紫藤香云。

續黔書卷之七

梓柑

黔中昔饒梓柑。播州更蕃。以桐梓名縣。猶酸棗之姓溝。豫章之氏郡也。近者栳伐濯濯。無能化牛矣。余至播所見拱把數株。殊無巨抱者。案梓亦有數種。木理白者爲梓。赤者爲楸。似楸有角者名角梓。黃色無子者名柳楸。楸之小葉者爲榎。榎卽說文所云櫨也。梓之實。古今注云。豫章也。梓之桐皮。梓實而美者爲椅。尸子謂荆有長松文椅是也。又有鼠梓。一名楸。詩云。北山有楸。卽此木也。又有虎梓。江東是植。史記貨殖傳。山居千章之材。徐廣云。材。漢書作萩。樂彥云。萩。梓木也。左傳伐雍門之萩。字又作楠。晏子春秋。景公登筓室而望見人有斲雍門之櫨者。卽萩也。梓亦作籽。尙書梓材。古文作籽材也。柑木其樹直上。若幢蓋之狀。葉似桑。子似杏。今作楠。爾雅以爲柑。

粗

貴陽鄧玉峯謝甲寅科房師先生之居。花卉頗饒。有樹焉。秋時結實。較木瓜微大。摘味之。似梨而酢澆。或謂卽楸。余案蓋粗也。夫粗。榎櫨也。李時珍曰。榎櫨乃木瓜之大者。櫨子乃木瓜之小者。榎梓則櫨類之生於北方者。三物與木瓜一類而實不同。詩之木李。通志略之蠻櫨。埤雅之木梨。皆謂粗也。

邛竹

昔我家博望侯至大夏得安石榴蒟醬並得筇竹賈人言市之身毒國也身毒索隱音乾篤或曰賢豆亦曰天毒漢書作天竺逸周書作天竹杜篤傳作天筑或作天督通志略云天竺卽捐毒也田山薑以爲耶竹出蜀之臨邛謬矣夫黔之氏貴竹也以生筇竹也筇竹亦作桂竹零陵記所稱桂竹之墊產桂竹是也考山海經雲山竹譜引無草木有桂竹甚毒傷人必死竹譜云棘竹一名芳竹扶疎森然大者圍二尺可禦盜賊又交趾有策竹實中勁強有毒銳以刺虎中之則死皆桂竹之屬亦生筇竹劉逵注蜀都賦云筇竹出興古盤江以南卽山海經之扶竹也余至黔中經歷數郡凡遇叢薄幽謁輒爲之拂升斤聽禽檉旁皇其下賞赤箬綠筒之修篁翫育蟲雲母之嫩籜狀未見梢雲百尋摩月千尺望之似甕剖之爲甌遠之爲舩者毋亦土薄水淺霧重煙荒不能畜此礪砢之奇節乎其萋萋高原夔遠重谷檀欒夾水楠蟲園塘青嵐連帶碧空掃燠浮筠之簞上葳蕤而防露嬋娟之篠下瀟瑟而來風予也吟句對青學仙服汁納千畝於胸中傲清貧之太守非得竹王之胎鬱爲茂林何以有此平安之報哉

靈臺蓮

世閒花卉無踰扶藁者蓋諸花皆藉暄風餘日獨蓮花得意於水月其香清涼雖葉亦自馥也周濂谿比之君子曾端伯稱爲淨友洵不誣矣余至黔葺演池中產衣鉢蓮有赤白青三種卽梵書所謂頭波摩芬陀利優鉢羅也而玉屏署前後饒白蓮月白風清雅足幽賞癸亥之夏印江梁秋湄明府書來言衙中茵菖盛拆皆千葉三出凡六層房中攢出之花更明豔可人無慮數千朵雖太液之華萃銅池之望舒難以

方矣。其友人周唵虎有池中蓮詩寄余。

增周斫池中蓮詩

山之盤兮中阿。芙蓉池兮水激波。待朝曦兮花明。襲高柳兮翠煙橫。午風初兮雲爛。含芳華兮尙舒以半。望美人兮不來前。馱褻裒兮碧漪漣。寂莫兮誰親。饒邨夫兮弗可與鄰。中惆悵兮難言。白萍飄兮若無根。有君子兮水之央。遠不可接兮願瞻而襄羊。惠我兮光澤。尙無違兮我思積。思積兮情憐。怕聽聳兮夕陽。蟬蒼蒼兮莫色。欲晏兮恐難息。自今兮相期。永追隨兮切莫我遺。

蘭

楚詞云。余旣滋蘭之九畹兮。又樹蕙之百畹。注。蘭爲都梁香。與澤蘭似。澤蘭又名虎蘭。譜云。春蘭葉細。夏蘭葉細而長。秋蘭葉大而澤。冬蘭葉差大。葉皆不冬凋。春蘭一幹一華。夏秋冬蘭皆一幹十數華。山蘭瘠而小。建蘭肥而大。了蘭最貴。莖葉生歧枝也。廣志云。蕙草綠葉紫花。鄭樵曰。卽零陵香。葉可代香。非今之蘭審矣。後人不識蘭草。蘭花爲二種。遂以一幹一花者爲蘭。一幹數花者爲蕙。号曰蘭蕙。荅矣。黔雖荒微。亦有燕尾魚魷。披拂於長坂曲谿。樵者輒隨衆草刈之。以爲薪。余於馬鞍山在廣州采得六本。莖於庭前。聞之甚醜。與朱子所謂葉無氣質。易萎弱者迥不同。乃眞王者香也。爲歌離騷一章。

循隱谷兮襄羊。聞幽蘭兮歎香。言采采兮紉蘭。芳菲菲兮彌章。纂紫莖兮擊綠葉。羌羅生兮山之疊。昧翠羽兮回翔。汎汎風兮膏露接。忽反顧兮浩歎。公子去兮雲端。無同心兮當門忌。秋風敗之兮余涕汎瀾。戶

服艾兮盈醫。曾不知靡蕪之清高。豈其未見兮九畹。實秉德之不昭。藐吾逕兮豁吾局。如游蘭澤兮登蘭亭。願芳馨以自愛兮長無絕此青青。

長壽草

廣順署後卽馬鞍山。古樹叢林。虬蟠雲結。而懸崖峭壁。尤饒奇草。鬱鬱葱葱。要皆神農磨曆之所未嘗。壯武博物之所未志也。暇日摳衣而上。柔茵綠鋪。敗人眉宇。爰藉之賞玩。見有葉舒如梅瓣者。圓莖脩枝。枝卽抽於葉心。枝各一花。花分五瓣。色深碧。中葉須猩紅。亭亭蓓秀。不與羣草伍。問之小隸。對曰。長壽草也。聳狀異之。夫員邱有不死之樹。食之延壽。郭景純游仙之所詠也。洛陽光明殿前有長生樹二株。晉華林園植長生樹二株。皆樹也。惟周髀算經言中衡左右。冬有不死之花。漢武時日支國獻活人草三莖。死者將草覆而卽活。又河圖玉版云。防風之二臣。以刃自貫其心而死。禹哀之。乃拔其刃。療以不死之草。是皆奧窟真宅。靈嶽名山。乃產此嘉卉。供仙夫之餐。黔蠻鄉也。毒霧淫霖。蒸生埜莽。蔓延充塞。道非難行。每思如蕪氏法。刈芻蘊崇之矣。無論無朝虹之垂輪。芳苴之戲鳳。洞冥之燭夜。望舒之隨時。吉雲之飼織離馬。地日之招三足鳥。卽卻睡迎涼之葉。護門懷夢之菱。組綸布帛之英。功德文章之秀。概未之見。願安得長壽名葩。媿祖洲返魂之香。驂瓊苑養神之芝哉。或異域音訛稱僞。未可知也。朕聞今廣西柳州。亦有不死之草如茅。食之多壽。此草疑卽山海經之菴草云。

朱草

黔南巖石之間。有草焉。如小桑狀。枝莖似珊瑚。長三四尺。刺之如面。與援神契之言朱草無異。諒卽朱草也。或据三禮義宗難之。謂王者施德有常。則應德而生。與紫脫朱英。皆爲上瑞。安得叢生於蠻域。余案抱朴子曰。今西山謾母所種之朱草。頗異他處。少年湯飲。輒致口鼻出血。是此草可種。不必其嘉祥也。矧古人嘗以之染絳乎。

海棠

舊聞海棠無香。惟四川重慶府昌州所產者有之。余至黔。聞大定海棠極蕃。其香最清烈。質之士人良信。

柑詩

萬朶晴雲簇曉霞。高燒銀燭仙姝家。春睡方濃慵少力。紅脣卷袖烘輕紗。曉臉恍如醉宿酒。胭脂零粉抹纖手。絳脣惟笑桃李穢。靚粧但覺芙蓉醜。何圖名花出瘴鄉。造物有意深且長。暹暹佳人在空谷。天賦絕色生清香。從今可消淵材恨。李舟定幸佳郡願。香國築得香閣高。臨風底事嫌家遠。

蠟樹

天下無無用之物。蠶之齧桑作親。蜂之采花爲蜜。構木作羹。蕪葉作醬。夫人而利賴之矣。又如桃榔木有麩。文檳木有粉。都句木有屑。羊刺草有蜜。椰子核頓遜樹加蒙嚴樹。榴木蝦蟇丹樹有酒。女國產鹽草。滇南生酸角。西蜀出糖樹。均足適用。又波斯有齊墩一作果。西域出摩廚子。真臘植成平樹。亦可調羹。以予所見之蠟樹爲尤足貴。取蠟之法。於四月內將蠟蟲置女貞樹上。蟲吸樹脂。兩三月後。漸長如蠶。遂吐蠟。

捲抱樹枝。瑩白成片。九月開采。煎邀作餅。各夷洞慣畜蠟蟲。漢民亦開畜之。每二三月進洞收買。蟲凡一斗。常價用銀一兩四五錢。貴至二兩外。賤極亦一兩。畜蟲亦在四月中。布種女貞樹。函史謂之水櫬樹。似女貞而異。但蟲必俟一年方收。蠟則平歲可得。故漢民嫻於收蟲。蟲與蠟俱。蠟蟲所生。共在一殼。內大如豆。上而赤色者爲蟲。其下稍白者爲蠟。蟲一樹止。可放三四顆。蠟一樹可放二十餘顆也。本草會編云。蠟蟲食冬青樹汁。久而化爲白脂粉。敷樹枝。人謂蟲。蟲著樹而生。至秋刮取。以水煮溶。置冷水則凝結成塊。炙文理如石膏而瑩徹。可和油作燭。羣芳譜云。蠟蟲微時。白色大如蠨蝋。作蠟及老。則赤黑色。乃結苞於樹枝。初若黍米大。入春漸長。大如雞頭子。紫赤色。繫繫抱枝。宛若樹之結實。蓋蟲將遺卵作房。正如雀甕螻蛄之類。俗呼爲蠟種。亦曰蠟子。子內皆白卵。如細蟻。一包數百。凡寄子皆於夏前三日內。從樹上連枝剪下。去餘枝。獨留寸許。令抱木。或三四顆。乃至十餘顆作一簇。或單顆亦連枝剪之。剪訖。用稻穀浸水半日許。漉去水。剝下蟲顆。浸水中一刻許。取起。用竹箬虛包之。大者三四顆。小者六七顆作一包。勒草束之。置潔淨甕中。若陰雨。頓甕中可數日。天熱。其子多併出。宜速寄之。寄法取箬包。剪去角。作孔如荳大。仍用草繫樹枝開。其子多少。眎枝大小斟酌之。枝大如指者可寄。枝太細幹太粗者勿寄。寄後數日。開鳥來啄箬包。攫取子。勤驅之。天漸暖。蟲漸出包。先緣樹上下行。若樹根有草。卽拊草不復上。又防蟻食蟲。樹下須芟刈極淨。次行至葉底棲止。更數日復下。至枝條齧皮入。啣食其脂液。因作花狀如凝霜也。

續黔書卷之八

孝獸

思南有甌峯。盤互銅仁。思州、石阡數百里。大木碩叟。莫不茂者。騰林拂雲。幽煙冥緬。穹崖造漢。亢石無階。杳無人居。人蹤亦不能到。所產草木多異狀。有獸焉。形類獼猴而大。尾長四五尺而歧端。色蒼黃。鼻露向上。兩卽自懸於樹。以尾塞鼻。或以兩指。爾雅所謂雌也。巢於樹。老者居上。子孫以次居下。老者簡出。子孫搜巖得果。卽傳遞而上。薦老者食。食已。然後傳遞至下。上者未食。下者不敢嘗。先王用以繪於尊彝。取其孝也。案寓屬小而尾短者猴也。似猴而多髯者猿也。小於猴文采蔚然者果下豹也。似猴而大者獼也。大而尾長赤目者禺也。似狢而大者果然也。九真人号歌然。似狢而小者蒙頰也。一名蒙貴。似狢而善躍越者獼。似猴而長臂者媛也。似媛而狗首以媛爲雌者獼狢也。又名獼狢。似媛而盒尾者狢也。似媛而大能食媛者獨也。食猴者獼也。卽鼻者狢也。狢卽雌也。南人名之曰仙猴也。郭景純贊云。禺屬之才。莫過於雌。兩則自懸。塞鼻以尾。厥形雖陋。列象宗彝。余庶贊曰。蟻穴蜂房。君臣道章。鳩行雁序。兄弟燕處。鸞遷雞呼。朋友卽須。鳩摯。鴛別。夫婦締結。惟鳥能哺。惟羔能乳。愛深養隆。曰母曰父。云何蒼雌。念厥顧復。嘉果摘來。爰薦耄壽。嗟嗟世人。誰無二親。商賈逐末。聲爵空陳。士也遠宦。鐘鼎自榮。緊昔子輿。益母長歎。亦有周磐。感懷魴魚。銜索幾蠶。奉檄樂胥。蒼蒼者天。薄薄者地。罔極鴻慈。豈惟酒食。此而不將。嬖嬭所戲。

囊豸

物之自爲雌雄者。豈爰之類。沛帶山之鵲鷄。或云卽鷄。離陽山之象蛇。火眼之狻猊。而囊豸亦然。其爲狀如豚而白。毛如笄而黑。端夾脾有囊。囊長數尺。能以脊上囊射物。郭景純謂之狙豬。長楊賦注謂之番獠。通志略謂之山豬。唐本草謂之蓄豬。亦謂之獠獠。吳楚又呼爲鬻豬也。大定府有之。俗名刺豬。苗人拾其囊以爲簪。猶海嶠之用蝦須也。聞南海有泡魚。大如斗。身有棘刺。能化爲囊豬。夫巽爲魚。坎爲豕。巽變爲坎。理或然矣。穆天子傳有囊馬。囊牛。囊羊。郭注。囊豸也。與囊豬之囊不同。

水馬

西域以羊臍種土中。溉以水。聞雷而生。臍繫地內。及長。驚以木聲。臍斷便行。齧草至秋可食。臍內復有種。此物之至奇者也。而人或未之信。史記大宛傳正義引宋膺異物志云。秦之北埧庸小邑。有羊羔。自然生於土中。候其欲萌。築牆繞之。恐爲獸所食。其臍與地連。割絕則死。繫物驚之。乃驚鳴。臍遂絕。則遂水草爲羣。劉郁西行記亦言之。黔之養龍坑。兩山相夾。深池涵焉。嘗出神馬。明洪武四年。僞夏明昇獻馬十。其一白者。首高九尺。長丈餘。乃得之於此也。夫諸毗文臂。渥洼蒲梢。余吾龍友。青海驄駒。往牒可稽已。漢肅宗元和中。神馬四匹出滇池河中。魏黃初閒。於上黨得澤馬。晉孝武太元十四年。滇池縣河水有神馬二匹。唐明皇靈昌郡得異馬於河。皆水馬也。隨巢子云。夏后之興。方澤出馬。良不誣矣。再考襄陽記中。廬山有地穴。漢時常有數百匹馬出。遂名馬穴。吳時陸遜復於此穴得數十匹馬。出土中一異也。唐書南詔傳。越

賤之西多薦草產善馬始生若羔歲中紐莎磨之飲以米瀝七年可御日馳數百里馬出於草更一異也庶物之生俶詭萬變魚非羽族文鯨翔風獸爲毛羣靈騁戲水而且谿邊之狗巢木地下亦復賈生圓嶠之蠶眠火中又復鼠產韻外之事何能具言昧者不察徒執游牧攻駒曷與之循會無而涉元謀之河哉

魏略海四國之六畜皆出水其用水羊裘爲布名海西布也亦見西域傳

小羊

吾涼出封羊其背如駝高者六尺許春夏之交青草豐茂毛澤而肥食其肉可以勝身飲其酪可以養性真俊味也余來黔一載矣雖日飾廚傳給供驛使未嘗自求口食以快端頤有郤民饋一羊辭不獲受之不忍無故而殺養於驛內數月偶至牧所視焉輒來依依裾閒不去稱之則十三斤如六七月之犖傘也案杜預奏事言魏興北山有野羊千數百斤其形不與中土羊相似廣志云驢羊似驢今黔之驢竟無龐狀大者而羊復么麼抑又何耶

論曰余聞之卜式云非獨羊也治民亦猶是也惡者輒去無令收羣式其人雖不足取而言則不易今之牧民者以神自畜既不能禁觚誦之朝飲復不能如鼈鼉之觸邪而因食者鄙反視犢首之民而不恤是何異狼牧羊也

箒雞

逸周書王會解云蜀人以文鷩文鷩者若翬雉孔晁注云鳥有文采者皋雉似鷩冀州謂之澤特臨海異

物志云。杉雞常在杉樹下。頭上有長黃毛。如冠。頭及頸正青。如垂綫。今水西出箐雞。高尺許。或畜之。見人輒避去。終不馴擾。而長尾白羽。羽之周遭黑文。綠之。如淡墨所畫。是箐雞與杉雞同。亦文翰之魚也。

人首魚

癸亥之五月。鎮遠霖霖。濼江暴漲。上流夾岸人居。墻雞牢豕。悉被沖汎。鎮之漁。咸飛楫爭取。忽洪波卓立。盤渦雷轟。見一巨魚人首。長徑丈。鬚鬣殷紅。衝網駛去。趙子海涵自鎮遠來。親見爲余言之。嘗考竹書云。禹治洪水。觀於河。見長人白面魚身。出曰。吾河精也。徐鍇稽神錄云。謝仲玉者。見婦人出沒水中。腰以下皆魚。述異記云。查道奉使高麗。見海沙中一婦人。肘後有細紅一作鬣。命扶於水中。拜手感戀而沒。乃人魚也。嶺海異聞云。人魚長四尺許。體髮牝牡人也。惟背有短鬣。微紅。注。卽山經西海之陵亦作魚也。鄧元錫物性志云。姑射山有鮫魚。人面人手魚身。見則風濤起。夫蚨青類人首。予羅類人足。咸車類人男陰。文嚙類女陰。亦名東海夫人。凡此瑰異。悉產巨浸。黔江何以有此。如以元錫之言。見則有風濤之異。今夏大夷晏浪。雍觀潛蹤。未嘗起魴魘而驚衍溢也。殊不可解。

鱸魚

金盞玉脰。舊稱東南嘉味。六書故謂其肉毳者尤美。案友有二種。脰鱸。海中有之。皮緊而肉厚。爛鱸。江海俱有。比脰鱸差小而味淡。玉屏之平江產鱸。巨口細鱗。肉白如雪。不終日。色不變。而有四頤。天生脰材也。然不能如北固山下。一出手。便釣得四十九枚。如謝平所云。或謂天下之鱸皆兩頤。惟松江鱸四頤。非實。

不知盧清臣，殆亦倖於營廷之魚矣。崑山有三顯鱉。

小蟹

夢谿筆譚云：關中無蟹，偶收得者，怖其狀，以爲怪物。有病瘡者，縣諸戶，則立瘥。言鬼畏之也。黔爲鬼方，卽無腸公子。郭索橫行，彼鬚首鑿耳之倫，且易而翫之矣。余來斯邦，暇則徵風采俗，訪之無有也。後乃知鎮遠之鐵谿產小蟹焉。與箴魚沙鰕潛响沫於澗石，而鎮寧之清泉中產異蟹，或赤或紫，色極鮮妍。雖洛水文鯤、珠海石蚌，亡以險也。夫波斯之蟹與神搏，江南之蟹與虎鬪，海陽之蟹專車，女丑之蟹千里，而北溟之蟹一螯加於山，善苑國之蟹長九尺，百足四螯，尤爲足異。若茲之纖纖，其不足篝火以尋也審矣。儻使鸚鵡之嘴爬沙熊谿，而虎豹之罽擁劔牂江，當霜天菊黃，壺曾竹之嘗醪，盤都雲之香橘，左持彭越，右把長卿，蹈吏部之疎狂，藐監州之矜睨，笑蔡謨之替職，嗤陶穀之妄評，則予也樂尊前風味，忘口裏雌黃，亦可以無異域之歎，乃冠裳之狙，竟畏毒霧而不生，或生之而大僅如指，不能供老饕之一嚼，豈不慎哉。

圓蛇

蛇之善者惟升卿，其惡者曰博叔。然乎蛇食塵，蝟蛇噬鹿，巴蛇吞象，活褥捕鼠，要皆形狀宛若，可爲趨避。未有蹤跡詭異，厥毒奇酷如圓蛇者也。圓蛇產古州八萬土司中，圓如卵，有五采文，或山水、花鳥、竹木，歷歷如績狀，同六合石子。人見之，無不欣愛，拾而撫摩之，不忍遽舍去。少頃，得人氣，於中心進出一頭，口目畢具，舌如火輪，留人無幸免者。人斃處，草木枯槁，泥土焦烈，人不敢由此行，皆迂道以避。三年始復，然其

土猶毒。苗人以篋笏矢插其處。七日夜。射人卽瘥。酷於狸子。燠銅之鑄。又有脰蛇。長尺有二寸。見人輒躍起數尺。跌爲十二段。須臾復合爲一。卽淮南子所謂神蛇也。田山薑紀之特詳。

唧唧

山石之間有物焉。形似蛙。又似鮎。色青。味鮮美。苗人得之。進上客。呼之爲唧唧。案字書無唧字。其從土者。土精也。宋時徐廷評監廬州酒稅。河次得一物。如小兒掌。無指。懼而埋之。或曰。此白澤圖所謂唧也。食之多力。又名封。與此形狀縣殊。案交州記。陶璜築城於土穴中。得一物。白色。形如蠶蛹。無頭。長數丈。大十圍。輒輒能動。割復肉如豬脂。以爲臠。香美。遁甲開山圖。雲師生霍山。長五六寸。有毛似兔。雨時出在石上。肉甘可炙食。或曰石蠶之類。卽雨虎也。本草云。石蛤在石中藏蟄。似蝦蟆而大。黃色。能吞氣。飲風露。可食。疑唧唧卽石蠶石蛤之類。又白澤圖云。千年木中有蟲。名買訓。狀如豚。食之。味如狗。尤奇也。案買訓卽彭侯。

九香蟲

余髫年在外。馬足車塵。開關萬里。得勞疾。恨無辜蘇之我遺也。目見潢池弄兵。梁渠舞羽。黔首流冗。得痛疾。恨無草荔之我惠也。改官於外。無吏才。牒訴倥傯。敲撲喧囂。耳遂以聾。恨無文莖之見贈也。民陝輸而苗剗。盤上下。脂窟。是非區霧。憤放手者之類。越貨也。則忿之甚。思得帝休服之。握符衝塗。日惟供億。稱媿之是急。無瞬暑展卷。幼時所誦經書。茫如膠麻。是爲忘疾。思得迷穀佩之。時復勘地巡稼。登峻岑。冒毒霧。飢飲不時。得痔疾。誰則投我以赤翁之櫟鳥。蛇尾之虎蛟者。兼此六疾。百里何堪。乃者挂冠引退。囊無阿

堵。甑無洗粃。飢腸時作鐘球鳴也。暇輒覽列仙傳。慕葛稚川之爲人。便有意縱志舒節。以馳大區。與造化者俱。又念夙無仙才。未必有仙骨。私覬選崔文負局。食我以黃散。餌我以紫丸。庶蝸甲濁穢。拾階霄霓。迅千靈於一朝。方塵劫於俄頃。茲聞畢節之赤水。出九香蟲。服之身輕。喜甚。詢之士人。言蟲生澗水中。春夏出遊水面者。不可用。秋冬潛伏澗石。土人掘石得之。售人。服法用十四枚。微火炒去殼。翅及足。七枚去殼。翅足生用。每服一生一熟。作一次嚼食。白湯下。日服二三次。俱可用。完十四枚而止。儻余得是蟲也。不羨苟庸之丹砂矣。或曰。服之尤宜子云。